

摘藻堂四庫全書薈要

經部

欽定四庫全書薈要

經部

禮記注疏卷三十五

詳校官編修臣程嘉謨



欽定四庫全書薈要卷二千一百

經部

禮記注疏卷三十五

漢鄭氏注 唐陸德明音義 孔穎達疏

儀

聞始見君子者辭曰某固願聞名於將命者注君子卿

大夫若有異德者固如故也將猶奉也即君子之門而

云願以名聞於奉命者謙遠之也重則云固奉命傳辭

出入音義

始見賢遍反下文注除注二相見並同聞名如字徐音問注皆同謙音嘽本又作嘽遠于

萬反重直用反傳疏

正義曰此一經論見君子之法但此一篇雜明細小威儀不復局以

料段各隨文解之聞始見君子者謂作記之人心自謙退不敢自專制其儀而傳聞舊說故云聞始見君子者

謂始欲見君子貴勝之人辭曰某固願聞名於將命者辭客之辭也某客名也再辭曰固固如故也聞名謂名

得通達也將命謂傳辭出入通客主之言語者也客云願以己名使通聞於將命之人也然客實願見君子而

云願聞名於傳命者不敢必斥見於君子但願將命者聞之而已不云初辭而云固者欲明主人不即見己已

乃再辭故云固也若初辭則不云固當惟云某願聞名於將命者耳

不得階主注階上進

者言賓之辭不得指斥主人音義

上時掌反疏正義曰解上經文云聞名

之義也階進也主謂主人也客宜卑退故其辭不得斥進主人也注正義曰階是等級人升階必上進故以階

為上進隱義曰階可敵者曰某固願見注敵當也願見

願見於將命者謙也疏正義曰此明敵體始相見言敵

亦應云願見於將命者因上已有罕見曰聞名注罕希

也希相見雖於敵者猶為尊主之辭如於君子音義罕見

賢遍疏正義曰前三條明始相見此明已經相見而疏

若少見敵者亦云願聞名於將命者然敵者始來曰願

禮隆故尊卑宜異重來禮殺故宜同也注正義曰案爾

為尊主之辭如於君子者尊而希者故宜同於始亟見

來相見敵而希者其辭重於始來故鄭偏解之也

曰朝夕注亟數也於君子則曰某願朝夕聞名於將命

者於敵者則曰某願朝夕見於將命者音義

亟去冀反注及下同

數色角反瞽曰聞名注瞽無目也以無目辭不稱見疏

正義曰此

謂數相見者也亟數也若數見尊者則其辭云某願朝夕聞名於將命者若數見敵者則云某願朝夕見於將命者瞽曰聞名者瞽無目也其來不問見貴賤則並通云願聞名於將命者其目無所見故不云願見注正義

曰亟數也爾

雅釋詁文

適有喪者曰比注適之也曰某願比於將命者比猶比

方俱給事疏

正義曰前明吉禮相見此以下明凶事相見者也適往也此謂往敵者喪家也比比

方也喪不主相見凡往者皆是助事故云比謂比方其
年力以給喪事也若五十從反哭四十待盈坎皆是比
方其事故鄭云比謂比方俱給
事故辭云願比於將命者也
童子曰聽事注曰某願

聽事於將命者童子未成人不敢當相見之禮疏正義
曰童子

子未成人雖往適他喪不敢與成人為比方但適公卿
來聽主人以事見使故云願聽事於將命者也

之喪則曰聽役於司徒注喪憂戚無賓主之禮皆為執

事來也音義為于偽反下文為疏正義曰前往敵喪此
君喪注雖為並同適貴者喪也不敢云

相比方而使但聽主人之見役輕重唯命不敢辭也不
直云聽役於將命而云於司徒者司徒主國之事故國
有大喪謂公卿之喪則司徒皆率其屬掌之故司徒職
云大喪帥六卿之衆庶屬其六引而治其政令鄭云衆

庶所致役也又檀弓云孟獻子喪司徒旅歸四布是也隱義云公卿亦有司徒官以掌喪事也

君將適他臣如致金玉貨貝於君則曰致馬資於有司

敵者曰贈從者注適他行朝會也資猶用也贈送也音

義

適他音失從才疏正義曰此一經論臣致物於君及用反朝直遙反敵者之辭前明吉凶相見之禮此

以下明吉凶相送遺之禮也此明送吉也君謂已君也適他謂朝會出往他國也臣如致金玉貨貝於君者如若也君欲往他國而臣若奉獻財物以充君路之資乘也金玉貨貝畧舉其梗槩耳則曰致馬資於有司者臣雖以物贈君君體尊備物不有乏少故臣不敢言將物與君但恐君行有車馬路中或須資給故云此物以充馬資物不可付馬故云致馬資於有司有司謂主典君物者也敵者曰贈從者若物送敵者亦不云贈送敵者

當言贈於左
右從行者也

臣致綦於君則曰致廢衣於賈人敵者曰綦注言廢衣

不必以其歛也賈人知物善惡也周禮玉府掌凡王之

獻金玉兵器文織良貨賄之物受而藏之有賈八人音

義

綦音遂賈音嫁徐音估注同歛力艷反織音志鄭注周禮云畫繡之屬

疏

正義曰此因前送吉此明

送凶綦者以衣送死人之稱禮以衣送敵者死曰綦綦者遂彼生時之意也若臣以衣送君死不得曰綦但云致廢衣廢衣者不敢言必充君歛但充以廢致不用之例故云致廢衣也賈人者識物賈貴賤而主君之衣物者也又不敢云與君故云致賈人也然喪大記云君無綦注云無綦者不陳不以歛敵者曰綦者衣送敵者死

既無謙故云綏也注正義曰引周禮證君有賈人藏獻物也鄭注周禮云物謂文織畫繡之屬也

親者兄弟不以綏進注不執將命者以即陳而已疏正義

曰此明親者相綏之法進謂執之將命也若非親者相綏則擯者傳辭將進以為禮節若有親者相綏但直將進即陳之不須執以將命也案士喪禮大功以上同體之親綏不將命即陳於房中小功以下及同姓等皆將命

臣為君喪納貨貝於君則曰納甸於有司注甸謂田野

之物音義

甸大見反

疏

正義曰言臣為君喪而臣進物納為獻也納入也甸田也言入此物是自

田野之所出合獻入之於君有司也必云田所出者臣皆受君地明地物本由君出也衣是送君故與賈人貨

貝但供喪用
故付有司也

賵馬入廟門注以其主於死者音義

贈芳仲反

賵馬與其幣

大白兵車不入廟門注以其主於生人也兵車革路也

雖為死者來陳之於外戰伐田獵之服非盛者也周禮

革路建大白以即戎音義

賵音附

疏

正義曰此一節論賵之異賵馬入廟門

者以馬送死曰賵賵副亡者之意也既送亡者故將入廟門也庾云禮既袒訖而後賵馬入設於廟庭而入門者欲以供駕魂車也故鄭云主於死者賵馬與其幣大白兵車不入廟門者以馬助生營喪曰賵馬幣謂以財貨賵助主人喪用並助主人之物故不將入廟也故鄭云以其主於生人大白兵車革路之旗周路建大白

以即戎也兵車即草路也雖並為送喪之從車而其本是田戰之具故不可入廟門故鄭云雖為死者來陳之於外戰伐田獵之服非盛者也然所以得有大白兵車來助主人者此謂諸侯有喪鄰國之君有以大白兵車而贈之者或家國自有也

賻者既致命坐委之擯者舉之主人無親受也注喪者

非尸柩之事則不親也舉之舉以東音義

舊樞音

疏

正義曰此

一經明賻者授物及主人受之禮賻者既致命坐委之者此明來賻者之法坐猶跪也謂賻者跪委物於地擯者舉之者謂主人擯者舉而取之主人無親受也者吉時若人饋物主人皆自拜受之若有喪主於哀戚凡有四方使者以物賻已悉不得拜受故使擯者受舉之而已注正義曰知舉以東者雜記云含者入升堂致命坐

委于擯東南宰夫朝服即喪屨升自西階西面坐取璧降自西階以東後稷者賻者並然而升堂致命是告殯之辭也若賻生人則致命擯者不告擯而不升堂然車馬不舉以東而鄭云舉以東者謂幣之屬也

受立授立不坐注由便音義

便婢面反

性之直者則有之矣

注有之有跪者也謂受授於尊者而尊者短則跪不敢

以長臨之音義

跪其委反長直良反

疏

正義曰此一節明相授受之禮前明吉凶相見及送

贈之禮禮有擯相授受之法故此明之坐亦跪也凡尊卑相授乃以跪為敬也受立謂尊者立以物與卑者卑者受此尊者之物授立謂尊者立已以物授尊者之立此二事皆不坐以尊者立故也若坐則尊者屈而低身煩尊者故也性之直者則有之矣者性謂天性言尊者天性直自如此短小尊者雖立若授受尊者之物則有

坐而受授所以然者以尊者短小
若立對之則以長臨尊故有坐也

始入而辭曰辭矣即席曰可矣注可猶止也謂擯者為
賓主之節也始入則告之辭至就席則止其辭排闥說

屨於戶內者一人而已矣注雖衆敵猶有所尊也音義

排薄皆反闥初獵反又音合
說吐活反本又作脫下注同

有尊長在則否注在在內

也後來之衆皆說屨於戶外音義

長丁大反下文
注尊長皆同

疏

正義

曰此一節明賓主之入擯者告之辭讓之節及說屨之
儀始入而辭者謂始入門主人辭謝賓之節曰辭矣者
當此之時擯者告主人曰辭謝賓矣謂辭讓賓令賓先
入至階之時擯者亦應告主人曰辭讓賓先登矣此不

言者始入之文包入門登階矣即席曰可矣者謂賓主
井堂各自就席而立擯者恐賓主辭謝即席故擯者告
之曰可矣可猶止也言既即席之時止此辭讓不須辭
矣排闥說屨於戶內者一人而已矣者謂賓主登席其
衆須入戶內者如尊卑相敵猶推一人為尊闥謂門扇
謂排推門扇說屨於戶內者一人而已矣言止許一人
不得並皆如此也有尊長在則否者謂先有尊長已
在於堂或室衆人後入不得一人說屨於戶內也

問品味曰子亟食於某乎問道藝曰子習於某乎子善

於某乎注不斥人謙也道三德三行也藝六藝音義

某音

母行下 疏正義曰此一經明賓主相問飲食及道藝之
孟反 疏事也問品味曰子亟食於某乎者謂客來賓
主相問禮也品味者餽饌也亟數也凡問人若欲問彼
人已嘗食某餽饌與否者則不可斥問嘗食否但當問

其數食某食乎如言彼已嘗經數食也然彼若不嘗食則自當依事而答之也問道藝者亦謂賓主先已明知所習道藝及其問之亦不敢指斥故云子習於某道乎子善於某藝乎道難故稱習藝易故稱善也注正義曰不斥人譙也者雖先知其所食所習所善及其問之猶疑而稱乎乎者謙退之辭是以不正指斥人所能此人兼賓主也南本云不斥主人非也云道三德三行者也者案師氏教國子三德三行者一曰至德二曰敏德三曰孝德三行者一曰孝行二曰友行三曰順行也皆國子所習故知道是三德三行也云藝六藝者案保氏教六藝禮樂射御與書數也

不疑在躬注躬身也不服行所不知使身疑也不度民械注械兵器也不計度民家之器物使已亦有音義

大度

洛反計也注
同械戶戒反

不願於大家注大謂富之廣也不訾重器

注訾思重猶寶也音義

訾子疏正義曰此一節承上賓斯反疏主相問之事因明賓主

之禮賓不得願主人所有之物不疑在躬者既問主人之道藝則已亦當習學明了不得使疑事在其躬則為賓為主皆然也不度民械者謂為客至主人之家不得計度民家所有器械使已亦有也不願於大家者大家謂富貴廣大之家謂大夫之家也謂士往於卿大夫之家見彼富大不可願效之也非分而願必有亂心也不訾重器者訾思也重器珍寶之物言謂客至主人之家見有珍物重器不可思玩之若思玩之則憎疾已貧賤生淫亂濫惡也

汜埽曰埽埽席前曰拊拊席不以鬣執箕膺搗注鬣謂

帚也帚恒埽地不潔清也膺親也搗舌也持箕將去糞

者以舌自鄉音義

又作撲鬣力輒反膺於陵反胃前也

搗以涉反舌也徐音葉清徐寸反又疏正義曰此一經

如字去起呂反下擢去同鄉息亮反謂外內俱埽謂之埽埽席前曰拊者若近路小賓來則

止埽席前不得名埽則但曰拊也所以然者拊是除穢

埽是滌蕩拊席不以鬣者鬣謂掃地帚也若埽席上不

得用掃地帚也執箕膺搗者膺人之胃前搗箕之舌也

箕是去物之具賤者執之不可持嚮尊者當持箕舌自

前
不貳問注當正已之心以問吉凶於蓍龜不得於正凶

則卜筮其權也音義

著音尸

問卜筮曰義與志與義則可

問志則否注大卜問來卜筮者也義正事也志私意也

音義

與音餘下

疏

正義曰此一節明卜筮之法不貳問者凡卜筮之法當正己心志而來問

於著龜則得吉兆不得二心不正若二心不正必凶則卜筮權時妄告問卜筮曰義與志與者謂大卜問來卜筮者為是道理正義與為是私意志與義則可問志則否者若卜筮者是公義則可為卜筮若所問是私心志意則不為之卜筮

尊長於已踰等不敢問其年注踰等父兄黨也問年則

已恭孫之心不全音義

孫音遜亦作遜

本同燕見不將命注自不

用賓主之正來則若子弟然音義

見賢遍反下請見同

遇於道見

則面注可以隱則隱不敢煩動也不請所之注尊長所

之或卑褻音義

褻息列反

喪俟事不特弔注亦不敢故煩動

也事朝夕哭時音義

特本亦作植音特

侍坐弗使不執琴瑟不

畫地手無容不翼也注端慤所以為敬也尊長或使彈

琴瑟則為之可音義

畫胡麥反翼本亦作姜所角反盧云扇也慤苦角反

寢則坐

而將命注命有所傳辭也坐者不敢臨之侍射則約矢

注不敢與之拾取也音義

射食夜反下注客射同拾其刼反

侍授則擁

矢注不敢釋於地也投投壺也投壺坐勝則洗而以請

注洗爵請行觴不敢直飲之音義飲音客亦如之注客

射若投壺不勝主人亦洗而請之音義勝詩證反不角注角

謂觥罰爵也於尊長與客如獻酬之爵音義觥古橫反不擯

馬注擯去也謂徹也已徹馬嫌勝故專之音義擯直角反疏

正義曰此一節謂卑幼奉侍於尊長諸雜之儀燕見不將命者謂卑幼私燕而見不使擯者將傳於命無賓主之禮過於道見則面者若於道路遇逢尊者尊者若見已已則面見若尊者不見已已則隱也不請所之者雖面自見而不得問尊者何處往也喪俟事不殖弔者謂弔於尊長喪法也俟事謂侍主人朝夕哭時也不殖弔

謂不非時而獨弔也侍坐弗使不執琴瑟者卑侍尊者之法也侍坐於尊尊者若不使已已則不得執琴瑟而鼓之若使已則得執之也不畫地者盧云不敢無故畫地也手無容者盧云不弄手也不翼也者盧云翼扇也雖熱亦不敢搖扇也此皆端慤所以為敬寢則坐而將命者寢卧也坐跪也若尊者服卧而侍者若傳辭當跪前不可以立恐臨尊者侍射則約矢者矢箭也凡射必計耦先設楅在中庭楅者兩頭為龍頭中央共一身而倚箭於楅身上上耦前取一矢下耦又進取一如是更進各得四箭而升堂揖三於要而手執一隻若卑者侍射則不敢更拾進取但一時并取四矢故云則約矢也侍投則擁矢者投投壺也擁抱也矢謂投壺箭也若柘若棘為之投壺禮亦賓主各四矢從委於身前坐一一取之若卑者侍投則不敢釋置於地但手并抱投之也故鄭云不敢釋於地庾云擁抱已所當投矢也隱義云尊者委四矢於地一一取以投卑者不敢委於地悉執

之也勝則洗而以請者若敵射及投壺竟司射命酌而勝者當應曰諾而勝者弟子酌酒南面以置豐上豐在西階上兩楹之西而不勝者下堂揖讓升堂就西階上立北面就豐上取爵將飲之而跪之曰賜灌灌猶飲也而勝者立於不勝者東亦北面跪而曰敬養若卑者得勝則不敢直酌當前洗爵而請行觴然後乃行也客亦如之者客若不勝則主人亦洗而請如卑待之法所以優賓也不角者角謂行罰爵用角酌之也詩云酌彼兕觥是也今飲尊者及客則不敢用角但如常獻酬之爵也不擢馬者擢去也徹也投壺立籌為馬馬有威武射者所尚也凡投壺每一勝輒立一馬至三馬而成勝但頻勝馬三難得若一朋得二馬一朋得一馬於是二馬之朋徹取一馬者足以為三馬以成已勝也今若卑者朋雖得二馬亦不敢徹尊者馬足成已勝也

執君之乘車則坐注執執轡謂守之也君不在中坐示

不行也音義

乘繩證反
轡水媚反

僕者右帶劔負良綏申之面拖

諸辟注面前也辟覆苓也良綏君綏也負之由左肩上

入右腋下申之於前覆苓上也音義

拖徒可反引也又
他佐反辟徐音覓

苓力丁反
腋音亦

以散綏升執轡然後步注步行也音義

散悉
且反

疏正義曰此一節明為君僕御之法執君之乘車則坐
者執執轡也謂不在車而僕執轡守君車時也凡御

則立今守空車則坐示君不在車車不行也僕者右帶
劔者謂初御法也僕即御者也右帶劔者帶之於腰右

邊也帶劔之法在左以右手抽之便也今御者劔右帶
者御人在中君在左若左帶劔則妨於君故右帶也負

良綏申之面者良善也善綏君綏也君由後升僕者在
車背君面面前取君綏由左腋下加左肩上繞背入右

腋下申綏之末於面前拖諸帑者拖猶擲也亦引也帑車覆闌也綏申於面前而擲未於車前帑上也亦云引之可置車帑上也以散綏升者謂初升時也散綏副綏也僕登車既不得執君綏故執副綏而升也執轡然後步者步猶行也既升車執策分轡而後行車也行車五步而立待君君出上則授良綏而升君也注正義曰苓車前闌也亦名為式故詩傳云幘覆式與此同知良綏君綏者以下云散綏既有二種明良綏君綏其散綏則本繫於車僕者擊之而登車也

請見不請退注去止不敢自由音義

見賢遍反

朝廷曰退注

近君為進音義

朝直遙反後朝廷皆同近附近之近

燕遊曰歸注禮褻主

於家也師役曰罷注罷之言罷勞也春秋傳曰師還曰

疲音義

罷音皮注同還音旋下文注皆同

疏

正義曰此一節明卑者見尊及朝廷退歸之辭請見

不請退者謂卑者於尊所有請見之理既見去必由於尊者故不敢請退朝廷曰退者謂於朝廷之中若欲散還則稱曰退以近君為進還私遠君故稱退論語子退朝又云冉子退朝並是對進為言也燕遊曰歸者若在燕及遊退還稱曰歸以燕遊禮褻主於歸家師役曰罷者謂於師役之中欲散退之時稱曰罷勞注正義曰案莊八年夏魯師及齊師圍郎郎降于齊師秋師還公羊傳曰還者何善辭也此戒同姓何善爾病之也何休云慰勞其罷病也是鄭用公羊為注也

侍坐於君子君子欠伸運笏澤劒首還屨問日之蚤莫

雖請退可也注以此皆解倦之狀伸頻伸也運澤皆玩

弄也金器弄之易以汗澤音義

久起劒反伸音申笏音忽還音旋蚤音早莫音

暮解古賣反頻本又作頻音頻玩五

疏正義曰此明侍坐法也志倦則

亂反易以歧反汗戶旦反一音烏

謂君子搖動於笏澤劒首者澤謂光澤玩弄劒首則生

久體疲則伸為君子久坐而自為之也運笏者運動也

謂君子搖動於笏澤劒首者澤謂光澤玩弄劒首則生

光澤還屨者還轉也謂君子自轉屨也尊者說屨於戶

內是屨恒在側故得自還轉之也問日之蚤莫者尊者

忽問日之蚤莫雖請退可也者雖假令也前言侍者不

得請退今若見君子有久伸以下諸事皆是坐久體倦

欲起或欲卧息之意故侍者

當此時假令請退則可也

事君者量而后入不入而后量凡乞假於人為入從事

者亦然然故上無怨而下遠罪也注量量其事意合成

否音義

量音亮乞如字又音氣為于偽反遠于萬反

疏

正義曰此一節明臣事君之法事君者量

而后入者凡臣之事君者欲請為其事先商量事意堪合成否然後入而請之不入而后量者不得先入請見君然後始商量成否凡乞貸假借於人為人從事者亦然者非直事君如此凡乞貸假借於人謂就人乞貸假借為人從事謂求請事人如此之屬亦須先商量事意成否不可不先商量即當其事故云亦然故上無怨而下達罪也者然猶如此事君若能如此下不忤上故上無怨上不責下故下達罪然唯解上下不結乞假從事者

略可知

不窺密注嫌伺人之私也密隱曲處也音義

窺苦規反伺音司處

昌慮反

不旁狎注妄相服習終或爭訟音義

爭爭鬪之爭

不道

舊故注言知識之過失損友也孔子曰故舊不遺則民

不偷音義

偷他侯反

不戲色注暫變傾顏色為非常則人不

長失敬也音義

不長丁丈反絕句

疏

正義曰此一節明在於僚類當自矜持之事不窺密

者人當正視不得窺覘隱密之處鄭云嫌同人之私也不旁狎者旁猶妄也不得妄與人狎習或致忿爭言因狎而致訟也不道舊故者不道說故舊之罪過不戲色者不戲弄其顏色注正義曰自當恒自矜持尊其瞻視若暫傾變顏色為非常褻慢則人不復長久失他人所敬故云則人不長失敬也

為人臣下者有諫而無訕有亡而無疾注亡去也疾惡

也音義

訕所諫反徐所姦反惡烏路反

頌而無調諫而無驕注頌謂將

順其美也驕謂言行謀從恃知而慢也音義

調勅檢反

怠則

張而相之注怠惰也相助也音義

相息亮反注同情徒卧反

廢則埽

而更之注廢政教壞亂不可因也音義

庚更音

謂之社稷

之役注役為也疏

正義曰此明臣事君之道有諫而無訕者訕謂道說君之過惡及謗毀也

君若惡臣當諫之不得向人道說謗毀故論語云惡居下流而訕上者有亡而無疾者亡猶去也疾謂憎惡也

君若有過三諫不從乃出境而去不得強留而憎惡君也頌而無調者頌美盛德之形容也調謂橫求見容若

君有盛德臣當美而頌之也君苟無德則匡而救之不得虛妄以惡為美橫求見容故孝經云將順其美匡救

其惡諫而無驕者君若從已諫則已不得藉已言行謀用恃知而生驕慢怠則張而相之者怠惰也相助也若

君政怠惰則臣當為張起而助成之也隱義云君怠惰當張設法而助之或張強其志以廣大之也廢則埽而更之者君政若已廢壞無可復張助者則當埽蕩而更創立為新政也謂之社稷之役者役為謂事君如上者是可謂為社稷之臣也故衛君云柳莊者是社稷之臣也注正義曰為謂助為也社稷之臣謂為助社稷之臣也

母拔來母報往注報讀為赴疾之赴拔赴皆疾也人來

往所之當有宿漸不可卒也音義

拔蒲未反注同急疾也王本作校古孝反

報音赴卒才忽反

母瀆神注瀆謂數而不敬音義

數色角反

母循枉

注前日之不正不可復遵行以自伸音義

循枉上音旬下紆往反邪

曲也復扶又反

毋測未至注測意度也音義

意度如字本又作億音抑下大各反

士依於德游於藝注德三德也一曰至德二曰敏德三

曰孝德藝六藝也一曰五禮二曰六樂三曰五射四曰

五御五曰六書六曰九數工依於法游於說注法謂規

矩尺寸之數也說謂鴻殺之意所宜也考工記曰薄厚

之所震動清濁之所由出侈弇之所由興有說說或為

申音義

於說如字注同又始銳反鴻又作洪殺色戒反侈昌氏反弇於檢反

毋訾衣服成

器注訾思也成猶善也思此則疾貧也音義

訾子斯反

毋身

質言語注質成也聞疑則傳疑若成之或有所誤也音

義

傳文

疏

正義曰此一節廣明為人之法毋拔來毋報

專反往者報為赴也拔赴皆速疾之意凡人所之適必有宿漸毋得疾來毋得疾往毋瀆神者謂瀆慢也神明正直敬而遠之不可慢毋徇枉者徇猶追述也枉邪曲也人非圓炤不免時或邪曲若前已行之今當改正不得猶追述已之邪事也毋測未至者未至之事聖人難之凡人故不可豫欲測量之也若終不知則傷知也士依於德者士謂進士有德行者當依附於三德游於藝者謂教游於六藝工依於法者謂規矩尺寸之法或言工巧皆當依附於法式游於說者說謂論說規矩法式之辭言游息於規矩法式之文書毋訾衣服成器者訾思也成善也無得思念衣服善器毋身質言語者凡言語有疑則稱疑無得以身質成言語之疑者其言既疑若必成之或有所誤也注正義曰案周禮師氏以

三德教國子一曰至德二曰敏德三曰孝德彼注云至德中和之德履燾持載含容者也敏德仁義順時者也孝德尊祖愛親案大司徒職云以鄉三物教萬民一曰六德知仁聖義忠和知此依於德非六德者六德所以教萬民而云三德所以教國子此經云士故知是三德也云一曰五禮至九數者是周禮保氏職文案彼注云五禮吉凶賓軍嘉也六樂雲門大咸大韶大夏大濩大武也五射白矢參連剡注襄尺井儀也五御鳴和鸞逐水曲過君表舞交衢逐禽左六書象形會意轉注指事假借諧聲也九數方田粟米差分少廣商功均輸方程贏不足旁要今有重差句股然五禮六樂之等皆鄭康成所注其五射以下鄭司農所解但九數之名書本多誤儒者所解方田一粟米二差分三少廣四商功五均輸六方程七贏不足八旁要九云今有重差句股者鄭司農指漢時云今世於九數之內有重差句股二篇其重差即與舊數差分一也去舊數旁要而以句股替之

為漢之九數即今之九章也先師馬融于寶等更云今有夕桀各為二篇未知所出今依司農所注周禮之數餘並不取說謂鴻殺之意所宜也者此經云依於法游於說法既是規矩法式法外又云說是說與法不同謂說此法式文書論其法式大小鴻殺之意與法大同小異法式據其體論說據其文引考工記者證說是說法度之意彼說鑄鐘形狀言鐘或薄或厚聲之振動其聲清濁由薄厚而出云侈弇之所由興者侈謂鐘口寬大弇謂鐘口內小從此法式所由興有說或大或小或侈或弇皆有所宜之意鐘厚則聲不散薄則聲散大短則聲疾易竭小長聲緩深遠弇則聲不舒揚故云有說

言語之美穆穆皇皇朝廷之美濟濟翔翔祭祀之美齊齊皇皇車馬之美匪翼翼翼翼和之美肅肅雍雍注匪

讀如四牡駢駢齊齊皇皇讀如歸往之往美皆當為儀

字之誤也周禮教國子六儀一曰祭祀之容二曰賓客

之容三曰朝廷之容四曰喪紀之容五曰軍旅之容六

曰車馬之容音義

美音儀出注下同濟子禮反齊齊皇皇如字皇音往徐子況反匪讀為

駢芳菲反

疏

正義曰此一節明諸事之宜此美皆當為儀言語之美者謂與賓客言語故鄭注保

牡音母

氏云賓客之美穆穆皇皇者謂言語形狀穆穆皇皇然其天子諸侯行容亦穆穆皇皇故曲禮云天子穆穆諸

侯皇皇鄭云皆行容止之貌穆穆皇皇皆美大之狀濟

濟翔翔者據在朝威儀濟濟翔翔然謂威儀厚重寬舒

之貌言語則穆穆皇皇威儀則濟濟翔翔齊齊皇皇者

皇讀為歸往之往皇氏云謂心所繫往孝子祭祀威儀

嚴正心有繼屬故齊齊皇皇然其言語及威儀皆當如此匪翼翼者匪讀曰駢駢翼翼者皆是車馬之形狀故詩云四牡駢駢下又云四牡翼翼皆是馬之形容翼翼駢駢皆是馬之嚴正肅肅雍雍者鸞和聲之形狀肅肅然雍雍然肅肅是敬貌雍雍是和貌注正義曰詩小雅云四牡駢駢周道倭遲述文王聘臣之勞云美皆當為儀者以保氏云教國子六儀一曰祭祀之容容即儀也故知美皆當為儀鄭彼注祭祀之容朝廷之容車馬之容皆引此文其賓客之容則此言語穆穆皇皇也彼注喪紀之容纍纍顛顛軍旅之容暨暨謖謖是玉藻文也

問國君之子長幼長則曰能從社稷之事矣幼則曰能

御未能御注御謂御事音義

長丁丈反下及注同

問大夫之子長

幼長則曰能從樂人之事矣幼則曰能正於樂人未能

正於樂人注正樂政也周禮大司樂以樂德教國子中

和祇庸孝友以樂語教國子興道諷誦言語以樂舞教

國子舞雲門大卷大咸大韶大夏大濩大武音義

樂人音岳

興如字又許證反道音導諷福鳳反卷音權濩戶故反

問士之子長幼長則曰能

耕矣幼則曰能負薪未能負薪注士祿薄子以農事為

業執玉執龜筮不趨堂上不趨城上不趨注於重器於

近尊於迫狹無容也步張足曰趨音義

筮音策近附近之近狹音洽

武車不式介者不拜注兵車不以容禮下人也車中之

拜肅拜音義

下戶嫁反

疏

正義曰此一節明問國君及大夫

稷之事矣者謂彼人所問君之子長幼若長則答之云能從君供社稷之事若幼則曰能御御治也謂己能治事若大幼則曰未能治事此治事謂尋常細小事也小於社稷事問大夫之子長幼長則曰能從樂人之事矣者以大夫子恒習學於樂長則已能習樂故曰能從樂人之事矣幼則曰能正於樂人未能正於樂人者正謂政令以幼者習樂未成但聽政令於樂人受樂人所教幼則云已能受命令於樂人若大幼則云未能受政令於樂人注正義曰鄭恐經正是樂正之官故讀為政令之政謂年幼受政於樂人也引大司樂者證卿大夫之子習樂之事云以樂德教國子中和祇庸孝友者彼注云中猶忠也和剛柔適也祇敬庸有常也善父母曰

孝善兄弟曰友云以樂語教國子興道諷誦言語者彼注云興謂以善物喻善事道者言古以剴今也倍文曰諷以聲節之曰誦發端曰言答述曰語云教國子舞雲門以下者彼注云黃帝曰雲門大卷言其德如雲之所出民得以有族類如鄭此言如雲之所出解雲門也民得以有族類解大卷也言有族類而集聚也彼注大咸咸池堯樂也言其德無所不施大韶舜樂也言其德能紹堯之道大夏禹樂也禹治水言其德能大中國大濩湯樂也言其德能使天下得其所大武武王樂也言其德能成武功也曲禮問其父身此問其子者皇氏云記人之意異耳

婦人吉事雖有君賜肅拜為尸坐則不手拜肅拜為喪主則不手拜注肅拜拜低頭也手拜手至地也婦人以

肅拜為正凶事乃手拜耳為尸為祖姑之尸也士虞禮

曰男男尸女女尸為喪主不手拜者為夫與長子當稽

顙也其餘亦手拜而已雖或為唯或曰喪為主則不手

拜肅拜也音義

低丁兮反為夫子偽反

疏

正義曰此一節論婦人拜儀婦人吉禮不手拜

但肅拜肅拜如今婦人拜也吉事及君賜悉然也為尸

坐者謂虞祭婦人為祖姑作尸也周禮坐尸嫌婦人或

異故明之也若平常祭無婦人之尸示主於夫故設同

几而已則不手拜肅拜者手拜手至地婦人為尸或答

拜時但肅拜而不手拜也為喪主則不手拜者婦人若

有喪而不為主則手拜也若為夫及長子喪主則稽顙

不手拜注正義曰手拜手至地者解手拜之義言手拜

之拜但以手至地則周禮空首案鄭注周禮空首拜頭

至手此云手至地也云者此手拜之法先以手至地而頭來至手故兩注不同其實一也云婦人以肅拜為正者言肅拜是婦人之常而昏禮拜扱地以其新來為婦盡禮于舅姑故也左傳穆嬴頓首於宣子之門者有求於宣子非禮之正也云凶事乃手拜耳鄭知然者以經云為喪主其餘輕喪凶事乃有手拜耳鄭知然者以經云為喪主則不手拜明不為喪主則手拜故云凶事乃有手拜耳云為尸為祖姑之尸也者以士虞禮男男尸女女尸故也若平常吉祭則共以男子一人為尸故祭統云設同凡是也云為夫與長子當稽顙也者小記文以其稽顙故不手拜云其餘亦手拜而已者除夫與長子之外則上云凶事乃手拜是也云或曰喪為主則不手拜肅拜也者鄭更引或解之辭云為喪主不作手拜但為肅拜與前為稽顙異違小記正文其義非也

葛經而麻帶注謂既虞卒哭也帶所以自結束也婦人

質少變於喪之帶有除而無變疏

正義曰此謂婦人既虞卒哭其經以葛易

麻故云葛經婦人尚質所貴在要帶有除無變終始是麻故云麻帶也

取俎進俎不坐注以其有足亦柄尺之類音義

柄兵命反執

虛如執盈入虛如有人注重慎疏

正義曰取俎謂就俎上取肉進俎謂進肉

於俎俎既有足立而進取便故不坐注正義曰案管子書弟子職云進柄尺謂爵豆之屬是也

凡祭於室中堂上無跣燕則有之注祭不跣者主敬也

燕則有跣為歡也天子諸侯祭有坐尸於堂之禮祭所

尊在室燕所尊在堂將燕降說屨乃升堂音義

跣悉典反為于

偽反說屨本又作脫又作稅吐活反

疏

正義曰此一經論堂上有跣無跣之事凡祭於室中堂上無跣者凡

祭謂天子至士悉然也跣說屨也下大夫及士陰陽二厭及燕尸皆於室中上大夫陰厭及祭在室若擯尸則于堂天子諸侯則有室有堂祭禮主敬故凡祭在室中者非唯室中不說屨堂上亦不敢說屨故云凡祭於室中堂上無跣燕則有之者有之謂堂上有跣也燕禮主歡故得說屨而升堂坐也燕禮云賓及卿大夫皆說屨升就席注云凡燕坐必說屨屨賤不在堂也禮者尚敬敬多則不親燕安坐相親之心注正義曰云祭不跣者主敬也者跣謂說屨坐而相親祭禮主敬不敢私自相親故云祭不跣者主敬也云天子諸侯祭有坐尸於堂之禮者朝事延尸於戶外故坐尸於室若卿大夫以下祭禮於室無坐尸於堂也云祭所尊在室者以經云凡祭於室中堂上無跣故辨之也此則貴賤通故卿大夫士正祭饋食並在室中而天子諸侯雖朝事延尸於戶

外非禮之盛其初入室灌及饋熟之時事神大禮並在室中故云祭所尊在室云燕所尊在堂者於燕禮文無在室唯在堂行禮初時立而致敬故云燕所尊在堂云將燕降說屨乃升堂者燕禮文也

未嘗不食新注嘗謂薦新物於寢廟疏

正義曰嘗謂薦新物於寢廟也

未嘗則人子不忍前食新也

僕於君子君子升下則授綏始乘則式君子下行然後

還立注還車而立以俟其去音義

還音旋注同

疏

正義曰此一經論僕

御之禮必授人綏故君子升及下僕者皆授綏也始乘則式者謂是僕者始乘君子未至御者則式以待君子升也君子下行然後還立者僕人之禮若君子將升則僕先升君子下行則僕後下更還車而立待君子去後

乃敢自安或云君車將駕則僕執策立於馬前故君子將下車則僕亦下車立於馬前待君子下行乃更還車立以俟

君去

乘貳車則式佐車則否注貳車佐車皆副車也朝祀之

副曰貳戎獵之副曰佐魯莊公敗于乾時公喪戎路傳

乘而歸音義

朝直遙反喪息浪反傳乘上文專反又陟戀反下繩證反下文除乘車同

貳車

者諸侯七乘上大夫五乘下大夫三乘注此蓋殷制也

周禮貳車公九乘侯伯七乘子男五乘卿大夫各如其

命之數疏

正義曰謂僕乘副車法也朝祀副車曰貳戎獵副車曰佐朝祀尚敬乘副車者式戎獵尚

武乘副車者不式也注正義曰云朝祀之副曰貳戎獵之副曰佐者以此經佐車貳車相對車云式主敬故謂朝祀之副曰貳佐車不式主武故云戎獵之副曰佐若戎獵自相對則戎車之副曰倅田車之副曰佐故周禮戎僕馭倅車田僕馭佐車熊氏云此云戎獵之副曰佐者據諸侯禮也故莊九年公及齊師戰于乾時公喪戎路佐車授綏是也案周禮大行人云貳車公九乘侯伯七乘又典命云卿六命具大夫四命車服各如其命數並與此經不同故疑為殷制

有貳車者之乘馬服車不齒注尊有爵之物廣敬也服車所乘車也車有新舊觀君子之衣服服劔乘馬弗賈

注平尊者之物非敬也音義

賈音嫁

疏

正義曰此一節明廣敬之義有貳車

者之乘馬服車不齒者有貳車則謂下大夫貳車之乘
以下者謂其所乘之馬所服之車不敢齒次論其年歲
評其價數高下車所以不得齒者以車有新舊則年歲
有多少價數有貴賤以尊者之物故不敢齒也觀君子
之衣服服劔乘馬弗賈者觀視也亦不得輕平
尊者物堪直多少之價亦為不敬故觀而不平

其以乘壺酒束脩一犬賜人若獻人則陳酒執脩以將

命亦曰束壺酒束脩一犬注陳重者執輕者便也乘壺

四壺也酒謂清也糟也不言陳犬或無脩者牽犬以致

命也於卑者曰賜於尊者曰獻音義

便婢面反下同
糟早勞反

其以

鼎肉則執以將命注鼎肉謂牲體已解可升於鼎音義

已如字又音其禽加於一雙則執一雙以將命委其餘
異解庚買反

注加猶多也犬則執縹守犬田犬則授擯者既受乃問

犬名牛則執紉馬則執鞅皆右之注縹紉鞅皆所以繫

制之者守犬田犬問名畜養者當呼之名謂若韓廬宋

鵠之屬右之者執之宜由便也音義縹息列反守手又反又如字注同紉

丈引反鞅丁歷反畜許六反鵠七畧反臣則左之注異於衆物臣謂囚俘

音義俘音孚車則說綏執以將命甲若有以前之則執以

將命無以前之則袒橐奉冑注甲鎧也有以前之謂他

執幣也橐攷鎧衣也胄兜鍪也袒其衣出兜鍪以致命

音義

說本又作脫又作稅同吐活反袒音但橐音羔甲衣也奉芳勇反胄直又反鎧苦代反攷吐刀反兜

丁侯反
亡侯反

器則執蓋注謂有表裏弓則以左手屈韞執

拊注韞弓衣也左手屈衣并於拊執之而右手執簫音

義

韞音獨拊芳武反并必政反

劍則啟櫝蓋襲之加夫褱與劍焉注

櫝謂劍函也襲卻合之夫褱劍衣也加劍於衣上夫或

為煩皆發聲音義

櫝音獨夫褱上音扶注同下如

笏書

脩苞苴弓茵席枕几穎杖琴瑟戈有刃者櫝筴篇其執

之皆尚左手注苞苴謂編束管葦以裹魚肉也苴著蓐

也穎警枕也莢著也籥如笛三孔皆十六物也左手執

上上陽也右手執下下陰也音義

苴子余反茵音因穎京領反注同警枕也

又垺迥反編必綿反管音姦葦于鬼反裏音果著蓐上音佇下音辱

刀卻刃授穎削授拊

注辟用時穎鏤也拊謂把音義

穎役煩反削音笑辟音避把音霸

凡有

刺刃者以授人則辟刃注辟刃不以正鄉人也音義

七刺

智反又七亦反辟匹亦反注同鄉息亮反下鄉國同

疏

正義曰此一節廣明以物獻遺人法各隨文解之其

以乘壺酒束脩一犬賜人若獻人者四馬曰乘故知四壺酒亦曰乘壺束脩十脰脯也酒脯及犬皆可為禮也

與卑者曰賜奉尊者曰獻隨其所與故云賜人若獻人也則陳酒執脩以將命者陳列也酒重脯輕故陳列重者於門外而執輕者進以奉命也亦曰乘壺酒束脩一犬者謂將命之時辭也雖陳酒犬而單執脯致命而其辭亦猶曰有酒脯犬也若二犬亦當言二也其以鬲肉則執以將命者謂無脯犬而有酒肉者也則亦陳酒而執肉以將命也云鬲肉者謂肉已解剔可升於鬲者解剔則易執也其禽加於一雙則執一雙以將命委其餘者謂以禽獸賜也二隻曰雙加於一雙謂或十或百雙也假令多雙則唯執一雙將命也委其餘者所餘多雙則委陳門外也犬則執縹者縹牽犬繩若牽犬將命則執繫犬繩也守犬田犬則授擯者既受乃問犬名者犬有三種一曰守犬守禦宅舍者也二曰田犬田獵所用也三曰食犬充君子庖厨庶羞用也田犬守犬有名食犬無名獻田犬守犬則主人擯者既受之乃問犬名牛則執紉馬則執勒者紉勒俱牽牛馬之物故執之皆右

之者謂以右手牽之由便故也此謂田犬守犬畜養馴
善無可防禦若充食之犬則左手牽之右手防禦故曲
禮云效犬者左牽之是也臣則左之者謂征伐所獲民
虜者也左之謂左手操其右袂也以其異於衆物衆物
犬馬之屬犬馬不生變異故皆右之民虜或起惡慮故
以左手操右袂右手當制之是與衆物異也車則說綏
執以將命者獻車馬者執策綏故知陳車馬而說綏執
以將命甲若有以前之則執以將命者甲鎧也有以前
之謂他物也謂獻鎧若復有他物與鎧同獻則陳鎧而
執他物輕者以將命也無以前之則袒橐奉冑者袒開
也橐攷鎧衣也冑兜鍪也若無他物唯獻甲而已則開
甲出橐冑奉之將命也曲禮云獻甲者執冑是也器則
執蓋器凡器若獻則陳底執蓋以將命蓋輕便也弓則
以左手屈觸執拊者觸弓衣拊弓把也獻弓則左手屈
弓衣并於把而執之以其右手執簫以將命曲禮云右
手執簫左手承拊是也劔則啟櫝者啟開也櫝劔玉也

獻劒則先開函也蓋襲之者蓋劒函之蓋也襲謂卻合也開函而以蓋卻合于函下加函底于蓋上加夫統者統劒衣也先卻合蓋于函下又加劒衣函中也與劒焉者加衣於函中竟而以劒置衣上也笏書至左手者笏也書也脩脯也苞苴也弓也茵也席也枕也几也穎警枕也杖也琴也瑟也戈有刃者櫝也謂戈之有刃者以櫝韜之莫著也簫笛也其執之皆尚左手者言執此諸物皆尊尚左手左手在上而執之右手在下而承之刀卻刃授穎者言授人以刀卻仰其刀授之以穎穎謂刀鏤也言以刀鏤授之削授拊者削謂曲刃拊謂削把言以削授人則以把授之凡有刺刃者以授人則辟刃者謂不以刃正向人也注正義曰案內則酒醴有清有糟泔者曰清不泔者曰糟故知此酒或清或糟云不言陳犬或無脩者牽犬以致命也者鄭釋初云有酒脯犬而後唯云陳酒執脯不言陳犬故明之也若言陳犬則嫌無脯時亦猶陳之今欲明若無脯者則陳酒牽犬以將

命故不言陳犬也犬馬不上於堂牽之當在下耳戰國策云韓子盧者天下之壯犬也桓譚新論云夫畜生賤也然其尤善者皆見記識故犬道韓盧宋狙又魏文帝說諸方物亦云狗於古則韓盧宋鵠則狙鵠音同字異耳故鄭亦為鵠字皇氏云卻仰也謂仰蓋于玉底之下加玉底於上重合之故云襲云夫橈劍衣也者熊氏云依廣雅夫橈木劍衣謂以木為劍衣者若今刀槌云夫或為煩皆發聲者以禮記本夫或作煩字者故云夫作為煩俱是發聲故云皆發聲然則橈之一字是衣之正名橈字從衣當以繒綿為之熊氏用廣雅以木為之其義未善也苞苴謂編束萑葦以裹魚肉者案既夕禮云葦苞長三尺內則云炮取豚編萑以苴之是編萑葦以裹魚及肉也亦兼容他物故禹貢云厥包橘柚孔叢子云吾於木瓜之惠見苞苴之禮行是也茵著蓐也者謂茵是以物所著之蓐言有著者謂之曰茵故既夕云茵著用蓐謂茅芳也用蓐以著茵也云穎警枕也者以經

枕外別言穎穎是穎發之義故為警枕云笑著也者曲禮云笑為筮故笑為著也云篇如笛三孔者案漢禮器知之詩注或云篇六孔兩不同者蓋篇有大小詩箋或云管如籥併而吹之云皆十六物也者前解經即是其數也穎是穎發之義刃之在手謂之為穎禾之秀穗亦謂之為穎枕之警動亦謂之穎其事雖異大意同也

乘兵車出先刃入後刃注不以刃嚮國也軍尚左注左

陽也陽主生將軍有廟勝之策左將軍為上貴不敗績

卒尚右注右陰也陰主殺卒之行伍以右為上示有死

志音義

卒子忽反注同行伍戶剛反下音五

疏

正義曰此一節論兵車出入及將士所處之宜出先

刃入後刃者不欲以刃向國軍尚左者軍謂將軍行伍尊尚左方左是陽陽主生欲其生不敗績也卒尚右者

言士卒行伍貴尚於右右
為陰示其有必死之心

賓客主恭祭祀主敬喪事主哀會同主誦注恭在貌也

而敬又在心誦謂敏而有勇若齊國佐音義

矩誦反況義

曰恭在貌敬在心賓客輕故主恭祭祀重故主敬會同
主誦者誦謂敏大言語會同之時貴在敏捷勇武自光
大注正義曰成二年左傳齊晉戰於鞏
齊國佐陳辭以拒晉師是敏而有勇也

軍旅思險隱情以虞注險阻出竒覆護之處也隱意也

思也虞度也當思念已情之所能以度彼之將然否音

義

阻則呂反覆芳富反謂伏兵也徐音赴護況煩疏正義
反護詐也或云護譁處昌慮反度大洛反下同

曰軍旅思險者言軍旅行處思其險阻之地出奇設謀以覆敗前敵隱情以虞者隱意也思也虞度也謂以意思念彼情豫測度前敵知其所欲為事記者明軍旅之中當須如此注正義曰險阻出奇覆護之處也者鄭解經中險字險是地形險阻諼詐也地形既險得出奇謀覆詐故云險阻出奇覆護之處若其平地則不得設奇謀設詐也虞度也釋言文云當思念已情之所能以度彼之將然否者言在軍旅先須思念已國之情所堪能欲如此以否

燕侍食於君子則先飯而後已注所以勸也音義

飯晚煩反

下小毋放飯毋流歎小飯而亟之注亟疾也備噦噎若

見問也音義

噦昌悅反亟紀力反注同噦噎上於月反下伊結反

數噍毋為口容

注口容美口音義

數色角反噍字又作噍子笑反又在笑反

客自徹辭焉則

止注主人辭其徹疏

正義曰此一節明侍食之法先飯而後已者先飯先君子之飯若嘗

食然君子食罷而後已若勸食然小飯而亟之者小飯謂小口而飯亟謂疾速而咽小飯而備噦噎也速咽之備見問也數噍毋為口容者數噍謂數噍之無為口容者無得美口以為容也客自徹辭焉則止者謂食訖客欲自徹其俎主人辭其徹俎客則止而不徹

客爵居左其飲居右注客爵謂主人所酬賓之爵也以

優賓耳賓不舉奠于薦東介爵酢爵僕爵皆居右注三

爵皆飲爵也介賓之輔也酢所以酢主人也古文禮僕

作遵遵謂鄉人為卿大夫來觀禮者酢或為作僕或為

駟音義

介音界注同僕音遵駟責留反本又作駟音巡

疏

正義曰此一節明客爵所在客爵依鄉飲

酒禮主人酬賓之爵賓受莫解于薦東是客爵居左也其飲居右者鄉飲酒禮旅酬之時一人舉解于賓賓莫解于薦西至旅酬賓取薦西之解以酬主人是其飲居右也介爵酢爵僕爵皆居右者介賓副也酢謂客酌還答主人也僕謂鄉人來觀禮副主人者也此三人既不被優故爵並居右示為飲之案鄉飲酒介爵及主人受酢之爵并僕爵皆不明莫置之所故記者於此明之注正義曰案鄉飲酒禮主人酬賓莫解于薦東所以不莫薦西者欲優饒其客且令閑裕故不莫于薦西賓又不盡主人之歡還莫薦東示不敢飲也案鄉飲酒禮主人獻介介飲獻賓賓酢主人主人飲主人獻僕僕飲是三爵皆飲爵云遵謂鄉人為卿大夫來觀禮者案鄉射禮

若有遵者則八門左注云此謂鄉之人為大夫者也謂之為遵者方以禮樂化民欲其遵法之也今云遵或為俱云酢或為作俱或為馴者謂他本書或有作此字者故云或他皆倣此

羞濡魚者進尾注擗之由後鯁肉易離也乾魚進首擗

之由前理易析也音義

濡音儒擗補麥反下同鯁格猛反易以豉反下同析星歷反

冬右腴注氣在下腴腹下也音義

腴以朱反

夏右鰭注氣在

上鰭脊也音義

右鰭音析脊子昔反

祭鰾注鰾大鰭謂剝魚腹也

鰾讀如呬音義

鰾舊火吳反依注音呬况甫反徐况紆反鰾力轉反剝口胡反又苦侯反疏

正義曰此一節明進魚之禮羞濡魚者進尾濡溼也謂膳羞有溼魚也進尾者擗溼魚從後來則脇肉易離也

冬右腴者腴謂魚腹冬時陽氣下在魚腹故右腴夏右
鰭者鰭謂魚脊夏時陽氣上在魚脊故右鰭凡陽氣所
在之處肥美故進魚使向右以右手取之便也此濡魚
進尾乾魚進首及右腴右鰭之屬皆為尋常燕食所進
魚體非祭祀及饗食正禮也若祭祀魚在於俎皆縮載
俎既橫設魚則隨俎而從於人為橫無進首進尾之理
故少牢魚用鮒而俎縮載其主人正饗亦然公食大夫
禮魚七縮俎是也正祭魚既縮載少牢主人獻俎佐食
三魚一橫之彼是正祭魚橫者以魚與牲體共俎故特
橫之殊於牲體也若天子諸侯繹祭及卿大夫儻尸魚
則橫載之於俎俎在人前而橫魚則於人為從得有進
首尾也故有司徹云尸俎五魚橫載之侑主人皆一魚
亦橫載之彼注云橫載之者異於牲體如鄭此言正祭
之時牲體橫而魚縮載儻尸之時牲體縮而魚橫載之
故云橫載之者異於牲體也正祭則右首進腴故少牢
魚右首進腴變於生人若生人右首進鰭故公食大夫

云寢右注云右首也寢右進緒也乾魚近腴多骨鯁案
特牲少牢魚皆有十五鄭云從陰類昏禮魚有十四臧
一從偶數士喪禮大飮及士虞禮及公食禮魚皆七其
天子諸侯魚數未聞祭膳者膳謂剗魚腹下為大醬此
處肥美故食魚則
剗取以祭先也

凡齊執之以右居之於左注齊謂食羹醬飲有齊和者

也居於左手之上右手執而正之由便也音義齊才細
反注及

下以齊並同食音嗣和戶疏正義曰此一經明齊和之
卧反下齊和同便婢面反疏宜凡齊者謂以鹽梅齊和
之法執之以右者謂執此鹽梅以右手居之於左者謂
居處羹食於左手之上以右手所執鹽梅調和正之於
事便也

贊幣自左詔辭自右注自由也謂為君受幣為君出命

也立者尊右音義

為于偽反下為君同

疏

正義曰此一經論贊幣贊辭之異自由也贊助

也謂為君受幣之時由君左詔辭自右者詔辭謂為君傳辭也君辭貴重若傳與人時則由君之右也

酌尸之僕如君之僕注當其為尸則尊其在車則左執

轡右受爵祭左右軌范乃飲注周禮大馭祭兩軹祭軌

乃飲軌與軹於車同謂軹頭也軌與范聲同謂軹前也

音義

軌媿美反范音犯軹音旨軹音衛軹音式

疏

正義曰此一節明為尸之僕祖道祭軹之宜酌尸之

僕者僕為尸御車之人將欲祭軹酌酒與尸之僕今為軹祭如似酌酒與君之僕以其為尸則尊之似君也其

在車則左執轡右受爵者尸僕受酒法也其在車謂僕
在車中時也僕既所主尸車故於車執轡而受爵也尸
位在左僕立於右故左執轡右受爵祭酒也君僕亦然
祭左右軌范者軌謂轂末范謂式前僕受爵將飲則祭
之酒於車左右軌及前范也所以祭者謂其神助已不
使傾危故也乃飲者祭畢乃自飲也注正義曰案周禮
大馭祭兩軌祭軌此云祭左右軌范兩文不同則左右
軌與兩軌是一故云軌與軌於車同謂轆頭謂車轂小
頭也此云范大馭云軌兩事是一聲同字異故云聲同
謂式前之范與此范俱是式前也但式前之軌車旁著
凡或作範字雖作範字聲同而字異即詩邶風濟盈不
濡軌亦車旁凡與此同也若轂末之軌則車旁著九此
經左右軌是也其車轍亦謂之軌亦車旁著九
則考工記經涂九軌是與此字同而事異也

凡羞有俎者則於俎內祭注俎於人為橫不得祭於間

也君子不食圉腴注周禮圉作豢謂犬豕之屬食米穀

者也腴有似人潏音義

圉與豢同音患潏本又作穢紆廢反一音烏外反

小子

走而不趨舉爵則坐祭立飲注小子弟子也卑不得與

賓介具備禮容也凡洗必盥注洗盥乃洗爵先自潔也

盥有不洗也音義

盥音管又古亂反

牛羊之肺犁而不提心注

提猶絕也剗離之不絕中央少者使易絕以祭耳音義

不提心丁禮反注同絕句剗苦圭反

凡羞有清者不以

犁本又作離同力兮反又力知反

齊注齊和也音義

清起及反

為君子擇葱薤則絕其本末注

為有姜乾音義

為于偽反注同薤戶戒反姜乾上於危反又於偽反下音竿

羞首者

進啄祭耳注耳出見也音義

啄許穢反見賢遍反

尊者以酌者之

左為上尊注尊者設尊者也酌者鄉尊其左則上尊也

音義

尊本又作遵注下皆同鄉息亮反下鄉人同

尊壺者面其鼻注鼻在面

中言鄉人也飲酒者襍者醺者有折俎不坐注折俎尊

徹之乃坐也已沐飲曰襍酌始冠曰醺音義

襍其記反醺子笑反

折之設反下及注皆同冠古亂反

未步爵不嘗羞注步行也牛與羊魚

之腥聶而切之為膾注聶之言腓也先藿葉切之復報

切之則成膾音義

聶之涉反注及下皆同膾古外反腩直輒反復扶又反

麋鹿為

菹野豕為軒皆聶而不切膾為辟雞兔為宛脾皆聶而

切之切葱若薤實之醢以柔之注此軒辟雞宛脾皆菹

類也其作之狀以醢與葷菜淹之殺肉及腥氣也音義

麋音眉軒音獻注同俱倫反辟音璧又補麥反徐扶益

反注同兔他故反宛脾上於阮反下毗支反切葱若薤

實之絕句菹荳居反葷許其有折俎者取祭反之不坐

云反淹於廉反又於切反

燔亦如之注亦為尺柄之類也燔炙也鄉射曰賓奠爵

于薦西興取肺坐絕祭左手濟之興加于俎坐悅手音

義

燔音煩炳其命反齊之才細反悅本亦作稅始銳反

尸則坐注尸尊也少牢饋

食禮曰尸左執爵右兼取肝肺孺于俎鹽振祭噉之加

于菹豆音義

食音嗣孺本又作孺而專反又而悅反徐耳誰反

疏

正義曰此一節廣明祭俎

及羞膳之事凡羞有俎者則於俎內祭者若羞在豆則祭於豆間若羞在俎則於俎內而祭俎在人前橫設俎內近人之處以俎於人為橫不得祭於俎間也俎橫在人前故不得祭於俎外及兩俎間也君子不食圉腴者圉豬犬也腴豬犬腸也言豬犬亦食米穀其腹與人相似故君子俱食他處辟其腴謂腸胃也故鼎闕一也小子走而不趨者小子弟子也趨徐趨也弟子不得與賓主參預禮但給後使故宜驅走不得趨翔為容也舉爵則坐祭立飲者謂弟子若得酒舉爵時則先以生祭祭竟而立飲之也凡洗必盥者洗洗爵也盥洗手也言凡

飲酒必洗爵洗爵必宜先洗手也牛羊之肺離而不提
心者謂祭肺法也提猶絕也取肺剉離之不絕心心謂
肺中央少許耳凡羞有清者不以齊者庾云清汁也若
羞有汁則有鹽梅齊和若食者更調和之則嫌薄主人
味故不以齊也賀瑒云凡清皆有大羹大羹不和也絕
其本末者本根也蔥薤根不淨末姜乾故擇者必絕其
二處為君子如此則非君子不然羞有牲頭者則進口以
亦膳羞也首頭也喙口也若膳羞有牲頭者則進口以
向尊者尊者若祭先取牲耳祭之也尊者至嘗羞此一
節論設尊及折俎行爵嘗羞之儀尊者謂設尊人也人
君陳尊在東極之西於南北列之設尊之人在尊西向
東以右為上則尊以南為上也酌謂酌酒人也酌人在
尊東西面以左為上亦上南也二人俱以南為上也故
云以酌者之左為上尊尊壺者面其鼻者尊與壺悉有
面面有鼻鼻宜向於尊者故言面其鼻也飲酒者則下
文襍者醢者是也總以飲酒目之襍者謂沐而飲酒醢

者謂冠而飲酒者有折俎不坐者折謂折骨體於俎者
機醺者若折俎為尊機醺小事為卑故不得坐也折俎
所以為尊者賀云折俎則穀饌尊故冠禮庶子冠于房
戶之前而冠者受醺不敢坐及禘者並不敢坐也案鄉
飲酒燕禮有折俎者皆不坐獨云機者醺者不坐者以
機者醺者無酒俎之時則得坐嫌畏有折俎亦坐故特
明之云有折俎不坐朱步爵不嘗羞者步行也羞穀羞
也穀羞本為酒設若爵未行而先嘗羞是貪食矣故不
先爵嘗之也此謂無筭爵之時羞庶羞行爵之後始嘗
之若正羞脯醢折俎謂飲酒之前則嘗之故鄉飲酒鄉
射燕禮大射獻後乃薦賓皆先祭脯醢膾肺乃飲卒爵
牛與至以柔之此一節明膾及醢苴簋細之異聶而切
之者謂先膳為大饗而後細切之為膾也麋鹿為苴以
下已於內則具釋之其有至則坐此一節明祭俎之儀
折俎謂折骨於俎俎既有足柄尺之類故就俎取所祭
肺立而取之升席坐祭祭訖反此所祭之物加之於俎

皆立而為之故云取祭反之不坐唯祭時坐耳燔亦如之者燔謂燔肉雖非折骨其肉在俎其取及祭反時皆亦不坐故云燔亦如之尸則坐者前云不坐者是賓客耳若為尸尸尊雖折俎初取祭反之皆坐也注正義曰庾云燕禮司宮尊于東楹之西兩方壺左玄酒南上注玉藻云唯君面尊玄酒在南順君之面也下云公席阼階上西鄉下又云執幕者升自西階立于尊南北面東上案左玄酒南上之言是設尊者東鄉酌者西鄉設者之右則酌者之左也引少牢饋食禮者證尸坐之義前注引鄉射禮云賓奠爵于薦西興取肺云興則立也此引少牢禮云尸左執爵右兼取肝肺不云興故知尸則坐菹豆盛菹之豆也

衣服在躬而不知其名為罔注罔猶罔罔無知貌音義

罔本亦作罔又作調亡兩反

疏

正義曰衣服文章所以表人之德亦勸人慕德若著之而不識知其名義

者則是罔罔
無知之人也

其未有燭而後至者則以在者告道瞽亦然注為其不

見意欲知之也師冕見及階子曰階也及席子曰席也

皆坐子告之曰某在斯某在斯音義

道音導為于偽反下為宵下文為人

為已同冕見賢遍反

凡飲酒為獻主者執燭挹燂客作而辭然後

以授人注為宵言也主人親執燭敬賓示不倦也言獻

主者容君使宰夫也未藝曰燂音義

燂則角反又子約反又音在遙反藝

人悅反

執燭不讓不辭不歌注以燭繼晝禮殺音義

殺色戒反

疏正義曰此一節明有燭無燭之儀為主入法也在者

謂已在於坐者若日已闇而坐中未有燭繼新有人
後來至者則主人以在坐中者而告之云某人在此某
人在此使後來人知之也道瞽亦然者瞽無目恒如日
闇故亦道之亦如無燭時也凡飲酒為主入自獻賓主
人也謂為飲酒主人法也凡飲酒主人自獻賓若尊卑
不敵則使宰夫與主人以獻賓故為獻主也執燭者謂
夜闇執燭抱燭者燭謂未藝之炬既欲留客又取未然
之炬抱之也客作而辭者作起也客既見主人執燭抱
燭故自起辭之也然後以授人者主人見客起辭故從
辭而止乃以燭授已執燭之人執燭不讓不辭不歌者
執燭夜時也禮賓主有讓及更相辭謝又各歌詩相顯
今既夜莫所以殺於三事

洗盥執食飲者勿氣有問焉則辟呬而對注示不敢飲

臭也口旁曰呬音義

辟匹亦反徐孚益反呬而疏正義志反歆許金反臭許又反

謂與尊長洗足也盥謂與尊長洗手也若為尊長洗盥及執尊長飲食則勿氣謂不臭臭尊長飲食也有問焉則辟呬而對者呬口旁也當為尊者洗盥及執飲食之時而尊者有事問已已則辟口而對不使口氣及尊者

為人祭曰致福為已祭而致膳於君子曰膳祔練曰告

注此皆致祭祀之餘於君子攝主言致福申其辭也自

祭言膳謙也祔練言告不敢以為福膳也凡膳告於君

子主人展之以授使者于阼階之南南面再拜稽首送

反命主人又再拜稽首注展省具也音義

使色

其禮大

牢則以牛左肩臂臠折九箇少牢則以羊左肩七箇牯

豕則以豕左肩五箇注折斷分之也皆用左者右以祭

也羊豕不言臂臠因牛序之可知音義

臂本亦作辟必致反注同臠奴

報反又奴到反說文云臂羊矢讀若儒字林人於反箇

古賀反下同牯大得反斷丁管反又大喚反分方云反

又扶問反本又

疏正義曰此一節明致福及膳於君子及所膳牲體之數謂為人攝祭而致

飲胙於君子也其致胙將命之辭則曰致福也謂致彼

祭祀之福於君子也為已祭而致膳於君子曰膳者若

已自祭而致胙於君子則不敢云福而言致膳膳善也

言致善味耳拊練曰告者若已拊祥而致胙又不敢云

福膳但云告言以祭胙告君子使知已拊祥而已故顏

回之喪饋孔子祥肉是也凡膳告於君子者結上也膳

自祭及告祥也主人展之以授使者于阼階之南南面再拜稽首送者謂初遣使膳告君子之去時也展省視敬君子故主人自省視飲食多少備具而阼階南稽首拜送使者反命主人又再拜稽首者使從君子處還反則主人亦再拜稽首受命也亦當在阼階南南面也曲禮云使者反必下堂而受命是也其禮太牢則以牛左肩臂臠折九箇者明所膳數也若得太牢祭者則用牛膳也周人牲體尚右右邊已祭所以獻左也周賁肩故用左肩也九箇者取肩自上斷折之至蹄為九段以獻之也臂臠謂肩脚也少牢則以羊左肩七箇者若禮得少牢者則膳羊左肩折為七箇不云臂臠從上可知也然並用上牲不并備饌故大牢者唯牛少牢者唯羊也牲豕則以豕左肩五箇者若祭唯特豕亦用豕左肩以用五箇以為膳也

國家靡敝則車不雕幾甲不組滕食器不刻鏤君子不

履絲屨馬不常秣注靡敝賦稅亟也雕畫也幾附纏為

沂鄂也組滕以組飾之及紵帶也詩云公徒三萬貝冑

朱綬亦鎧飾也音義

靡亡皮反注同幾其衣反注同組音祖滕大登反常如字恒也本亦

作嘗秣音末穀馬亟本又作極紀力反急也一音其力

反沂魚巾反鄂五合反紵其蔭反結也綬息廉反又音

浸鎧苦

疏正義曰此一節明國家靡敝減省之禮靡謂

代反

侈靡

敝謂凋敝由君造作侈靡賦稅煩急則

物凋敝則改往脩來或可靡為糜謂財物糜散凋敝古

字通用車不雕幾者幾謂沂鄂不雕畫漆飾以為沂鄂

甲不組滕者滕謂紵帶其甲不用組以為飾及紵帶君

子不履絲屨者絲屨謂紵純之屬不以絲飾之故云

不履絲屨注正義曰云以組飾者謂以組飾甲也云及

紵帶也者謂以組連甲及為甲帶言紵帶解經滕字滕

是縛約之名故秦詩云竹閉緹滕注云滕約也引詩公
徒三萬者魯頌閟宮文引之者貝胄朱綬貝胄謂以貝
飾胄朱綬綴之也謂以朱
絕綴甲故鄭云亦鎧飾也

禮記注疏卷三十五

禮記注疏卷三十五考證

少儀敵者曰某固願見注敵當也○敵者集說本作適者音注曰適音敵臣召南按此句無釋文以鄭注推之古本是作敵者玩下文敵者曰贈從者敵者曰綏可例集說本作適者非也

君將適他疏此一經論臣致物於君及適者之辭○適者當作敵者

問道藝注道三德三行也藝六藝○臣召南按藝指六

藝是也所謂道者安知非司徒之六德六行而必師氏之三德三行乎又下云子習於臯乎習傳習也則又安知非樂正之四術所謂禮樂詩書者乎

師役曰罷音義罷音皮○陳澔曰當讀如欲罷不能之罷

然故上無怨而下遠罪也○臣召南按然字須畧讀猶言能若是也

士依於德游於藝注德三德也○臣召南按六德三德

皆德也疏謂六德教萬民三德教國子此經言士故以三德解之拘泥極矣世豈有能全知仁聖義中和而不稱為賢士者乎

祭祀之美齊齊皇皇注讀如歸往之往○方慤謂當讀如字

又注美皆當為儀字之誤也○陳澧曰讀如本字亦可

幼則曰能負薪未能負薪注○臣召南按注下應接疏

二段下節執玉執龜筮不趨又自為一節不相連也
乘貳車則式佐車則否注疏以此經佐車貳車相對車
云式主敬○臣召南按當作貳車云式主敬刊本相
沿車上誤脫貳字耳

乃問犬名注疏戰國策云韓子盧者○按當作韓之盧
者之字誤作子

祭左右軌范乃飲注軌與范聲同謂軾前也○臣召南
按此條孔疏甚明軾前之軌車旁著凡亦作軌范周

禮及此文是也轂末之軌車旁著九詩邶風及考工
記中庸之文是也疏謂濟盈不濡軌軌字與此范字
音同則非矣刊本於注祭軌乃飲及軌與范聲同並
誤作軌字

凡飲酒為獻主者疏若尊卑不敵則使宰夫與主人以
獻賓○按與主人當作為主人

禮記注疏卷三十五考證

謹按第二頁前三行疏因上已有刊本監本毛本
因訛固據宋本改

第三頁後五行疏臣如致金玉貨貝於君者諸本
致訛置據經文改

第四頁後一行疏物謂文織畫繡之屬也諸本物
文互訛據宋本及周禮注改

第六頁前八行疏煩尊者故也諸本煩訛類據宋
本改

第七頁後六行疏禮樂射御與書數也刊本御訛

馭今改

第十頁前五行注故專之諸本專訛簿據宋本改
第十四頁後二行注怠惰也刊本惰訛墮今改

第十七頁前二行疏餘並不取刊本取訛敢今改
第二十六頁前三行疏故以左手操右袂刊本手

訛乎今改

第二十七頁前二行疏故犬道韓盧宋狔又狔鵲

音同字異諸本從並訛從據宋本改

第二十九頁後五行疏三人既不被優諸本三訛
主據宋本改

第三十八頁後二行注貝冑朱綬刊本貝訛具後
八行疏三十九頁一行疏並同今改



欽定四庫全書

覆校官編修臣朱依魯

校對官庶吉士臣許兆椿

謄錄監生臣徐繩玉

欽定四庫全書薈要

經部

禮記注疏卷三十六

七

詳校官編修臣程嘉謨



欽定四庫全書薈要卷二千一百一

經部

禮記注疏卷三十六

漢鄭氏注 唐陸德明音義 孔穎達疏

學記

發慮憲求善良足以諛聞不足以動衆注憲法也言發

計慮當擬度於法式也求謂招來也諛之言小也動衆

謂師役之事音義

憲音獻諛思了反徐所穆反聞音問聲聞度大各反

就賢體遠

足以動衆未足以化民注就謂躬下之體猶親也音義

下戶嫁反 君子如欲化民成俗其必由學乎注所學者聖人

之道在方策音義

策初疏

正義曰此一節明雖有餘善欲化民成俗不如學之為重

發慮憲者發謂起發慮謂謀慮憲謂法式也言有人不學而起發謀慮終不動衆舉動必能擬度於法式故云發慮憲求善良者良亦善也又能招求善良之士足以諛聞諛之言小也聞聲聞也言不學之人能有片識謀慮法式求善以自輔此是人身上小善故小有聲聞也不足以動衆者衆謂師役也雖有以小善思未被物若御軍動衆則不能故云不足以動衆也就賢體遠者賢為德行賢良屈下就從之遠謂才藝廣遠心意能親愛之也足以動衆者以恩被於外故足以動衆也未足以化民者雖復恩能動衆識見猶淺仁義未脩故未足以化民也君子如欲化民成俗者君謂君於上位子謂子愛下民謂天子諸侯及卿大夫欲教化其民成其美俗

非學不可故云其必由學乎學則博識多聞知古知今
既身有善行示民軌儀故可以化民成俗也注正義曰
憲法釋詁文謏之言小也言謏音近小故云謏之言小
也云動衆謂師役之事者動衆以與化民相對化民事
難動衆稍易故知是師役之事所學者聖人之道在方
策者鄭恐所學唯小小才藝之事故云所學者聖人之
道以其化民成俗非聖人之道不可云在
方策者下篇文武之道布在方策是也

玉不琢不成器人不學不知道是故古之王者建國君

民教學為先注為內則設師保以教使國子學焉外則

有大學庠序之官音義

琢丁角反治玉曰琢
大音恭後大學皆同

允命曰念

終始典于學其此之謂乎注典經也言學之不舍業也

兌當為說字之誤也高宗夢傳說求而得之作說命三

篇在尚書今亡音義

兌依注作說音悅下兌命疏正義曰此

一節論喻學之為美故先立學之事王者建國君民教
學為先者建國謂建立其國君民謂君長其民內則設
師保外則設庠序以教之故云教學為先兌命曰念終
始典于學者記者明教學事重不可暫廢故引兌命以
證之言殷相傳說告高宗云意恒思念從始至終習經
典于學也其此之謂乎言此經所謂教學為先則兌
命念終始典于學也注正義曰典經也釋言文學不舍
業即經云終始思念經典是不舍業也言高宗夢傳說
者書序云高宗夢傳說作說命三篇高宗殷王武丁其
德高可尊故號高宗其事具尚書篇見在鄭云今亡者
鄭不見古文尚書故也

雖有嘉肴弗食不知其旨也雖有至道弗學不知其善

也注音美也音義

肴戶交反

是故學然後知不足教然後知

困注學則睹已行之所短教則見已道之所未達音義

睹丁古反行下孟反下注德行同

知不足然後能自反也知困然後能

自強也故曰教學相長也注自反求諸已也自強脩業

不敢倦音義

強其丈反又其良反下注同長丁兩反下注長群長者皆同

兌命曰學

學半其此之謂乎注言學人乃益已之學半音義

學學上胡

孝反下如字學人胡孝反又音教

疏

正義曰此一節明教學相益雖有嘉肴弗食不知其旨也者嘉善也

旨美也雖有嘉美之有兼陳列於前若不食即不知其
有之美也雖有至道弗學不知其善也者至謂至極雖
有至極大道若不學則不知大道之善是故學然後知
不足也者若不學之時諸事蕩然不知已身何長何短
若學則知已之所短有不足之處也教然後知困者不
教之時謂已諸事皆通若其教人則知已有不通而事
有困弊困則甚於不足矣知不足然後能自反也者凡
人皆欲嚮前相進既知不足然後能自反嚮身而求諸
已之困故反學矣知困然後能自強也者凡人多有解
怠既知困弊然後能自強學其身不復懈怠也故曰教
學相長也者謂教能長益於善教學之時然後知已困
而乃強學之是教能長學善也學則道業成就於教益
善是學能相長也但此禮本明教之長學兌命曰學學
半者上學為教音敷下學者謂習也謂學習也言教人
乃是益已學之半也說命所云其此之謂乎言學習不
可暫廢故引說命以證之言恒思念從始至終習禮典

于學也

古之教者家有塾黨有庠術有序國有學注術當為遂聲之誤也古者仕焉而已者歸教於閭里朝夕坐於門門側之堂謂之塾周禮五百家為黨萬二千五百家為遂黨屬於鄉遂在遠郊之外音義

塾音熟又音育術音遂出注

比年

入學注學者每歲來入也中年考校注中猶間也鄉遂

大夫間歲則考學者之德行道藝周禮三歲大比乃考

焉音義

中徐丁仲反注同間間側之間下同比毗志反

一年視離經辨志三年

視敬業樂羣五年視博習親師七年視論學取友謂之

小成九年知類通達強立而不反謂之大成注離經斷

句絕也辨志謂別其心意所趣鄉也知類知事義之比

也強立臨事不惑也不反不違失師道音義

樂五孝反又音嶽下

不能樂學同斷句丁亂反別彼列反趣七

住反鄉許亮反比必履反一音必利反

化民易俗近者說服而遠者懷之此大學之道也注懷

來也安也音義

說音悅

記曰蛾子時術之其此之謂乎注

蛾蚘蟬也蚘蟬之子微蟲耳時術蚘蟬之所為其功乃

復成大埵音義

蚘魚起反注同本或作蟻蚘音毗蟬音乎爾雅云蚘蟬大蟻復扶又反埵大結

反毛詩傳疏

正義曰此一節明國家立庠序上下之殊並明入學年歲之差古之教者謂上代也

家有塾者此明學之所在周禮百里之內二十五家為問同共一巷巷首有門門邊有塾謂民在家之時朝夕出入恒就教於塾故云家有塾白虎通云古之教民百里皆有師里中之老有道德者為里右師其次為左師教里中之子弟以道藝孝悌仁義也黨有庠者黨謂周禮五百家也庠學名也於黨中立學教問中所升者也術有序者術遂也周禮萬二千五百家為遂遂有序亦學名於遂中立學教黨學所升者也國有學者國謂天子所都及諸侯國中也周禮天子立四代學以教世子及羣后之子及鄉中俊選所升之士也而尊魯亦立四代學餘諸侯於國但立時王之學故云國有學也比年入學者比年謂每年也謂年年恒入學也中年考校者

中猶問也謂每間一歲鄉遂大夫考校其藝也一年視
離經辨志者謂學者初入學一年鄉遂大夫於年終之
時考視其業離經謂離析經理使章句斷絕也辨志謂
辨其志意趣鄉習學何經矣三年視敬業樂羣者謂學
者入學三年考校之時視此學者敬業謂藝業長者敬
而親之樂羣謂羣居朋友善者願而樂之五年視博習
親師者言五年考校之時視此學者博習謂廣博學習
也親師謂親愛其師七年視論學取友者言七年考校
之時視此學者論學謂學問嚮成論說學之是非取友
謂選擇好人取之為友謂之小成者比六年已前其業
稍成比九年之學其業小故曰小成九年知類通達強
立而不反者謂九年考校之時視此學者言知義理事
類通達無疑強立謂專強獨立不有疑滯而不反謂不
違失師教之道謂之大成此大學之道也者言如此所
論是大學聖賢之道理非小學技藝耳記曰蛾子時術
之者謂舊人之記先有此語記禮者引舊記之言故云

蛾子時術之蟻子小蟲蚍蜉之子時時術學銜土之事
而成大垤猶如學者時時學問而成大道矣記之所云
其此學問之謂乎注正義曰此云術周禮作遂者此記
與黨連文故知術當為遂以聲相近而錯誤也云古者
仕焉而已者歸教於閭里朝夕坐於門者已猶退也謂
仕年老而退歸者案書傳說云大夫七十而致仕而退
老歸其鄉里大夫為父師士為小師新穀已入餘子皆
入學距冬至四十五日始出學上老平明坐於右塾庶
老坐於左塾餘子畢出然後皆歸夕亦如之云門側之
堂謂之塾者爾雅釋宮文引周禮者證黨遂之異案周
禮六鄉之內五家為比五比為閭四閭為族五族為黨五
黨為州五州為鄉六遂之內五家為鄰五鄰為里四里為
鄹五鄹為鄙五鄙為縣五縣為遂今此經六鄉舉黨六
遂舉遂則餘閭里以上皆有學可知故此注云歸教於
閭里其比與鄰近止五家而已不必皆有學云遂在遠
郊之外者案周禮遂人掌野之官百里之外故知遂在

遠郊之外鄭注州長職云序州黨之學則黨學曰序此云黨有庠者鄉學曰庠故鄉飲酒之義云主人拜迎賓于庠門之外注云庠鄉學也州黨曰序此云黨有庠者是鄉之所居黨為鄉學之庠不別立序凡六鄉之內州學以下皆為庠六遂之內縣學以下皆為序也皇氏云遂學曰庠與此文違其義非也庾氏云黨有庠謂夏殷禮非周法義或然也問年謂下一年三年五年七年之類是也云鄉遂大夫間歲則考學者計學者入學多少之間歲非是鄉遂大夫間歲三年入學也云周禮三歲大比乃考焉者鄭引周禮三年大比考校則此中年考校非周禮也故周禮鄉大夫職云三年大比而興賢者能者皇氏云此中年考校亦周法非也皇氏又以此中年考校謂鄉遂學也下文云一年視離經辨志以下皆為國學亦非也但應入大學者自國家考校之耳其未入大學者鄉遂大夫考校也案釋蟲云蚍蜉大螳小者螳是蟻為此蜉大者又云蟻子故云蚍蜉之子也

大學始教皮弁祭菜示敬道也注皮弁天子之朝朝服

也祭菜禮先聖先師菜謂芹藻之屬音義

朝朝並直遙反芹音勤藻

早音宵雅肄三官其始也注宵之言小也肄習也習小雅

之三謂鹿鳴四牡皇皇者華也此皆君臣宴樂相勞苦

之詩為始學者習之所以勸之以官且取上下相和厚

音義

宵音消肄本又作肆同以二反注同樂音洛勞力告反又如字為于偽反

入學鼓篋孫

其業也注鼓篋擊鼓警衆乃發篋出所治經業也孫猶

恭順也音義

篋古協反孫音遜注及下皆同警京領反

夏楚二物收其威也

注夏稻也楚荆也二者所以撲撻犯禮者收謂收斂整

齊之威威儀也音義

夏古雅反注同稻吐力反爾雅云稻山榎撲普卜反尚書云作教刑

撻他達反

未卜禘不視學游其志也注禘大祭也天子諸侯

既祭乃視學考校以游暇學者之志意音義

禘大計反游音由本

亦作遊暇戶嫁反舊古雅反

時觀而弗語存其心也注使之悱悱憤

憤然後啟發也音義

語魚庶反悱芳鬼反憤扶粉反一本直作悱憤

幼者聽而

弗問學不躡等也注學教也教之長裨音義

學胡孝反注同躡音

里輒反裨直吏反

此七者教之大倫也注倫理也自大學始教

至此其義七也記曰凡學官先事士先志其此之謂乎

注官居官者也士學士也疏

正義曰此一節明天子諸侯教學大理凡有七種各依文

解之大學始教者大學謂天子諸侯使學者入大學習先王之道矣熊氏云始教謂始立學教皮弁祭菜者謂天子使有司服皮弁祭先聖先師以蘋藻之菜也示敬道也者崔氏云著皮弁祭菜疏並是質素示學者以謙敬之道矣宵雅肄三官其始也者宵小也肄習也當祭菜之時使歌小雅習其三篇鹿鳴四牡皇皇者華取其上下之官勸其始學之人使上下順序也故云官其始也亦謂以官勸其始也入學鼓篋孫其業也者入學謂學士入學之時大胥之官先擊鼓以召之學者既至發其篋篋以出其書故云鼓篋也所以然者欲使學者孫其業謂恭順其所持經業夏楚二物收其威也者學者不勤其業師則以夏楚二物以笞撻之所以然者欲令

學者畏之收歛其威儀也未卜禘不視學游其志也者
皇氏云禘大祭在於夏天子諸侯視學之時必在禘祭
之後未卜禘謂未為禘也禘是大祭必先卜故連言之
是未為禘祭不視學所以然者欲游其學者之志謂優
游縱暇學者之志不欲急切之故禘祭之後乃視學考
校優劣焉時觀而弗語存其心也者時觀謂教者時時
觀之而不丁寧告語所以然者欲使學者存其心也既
不告語學者則心憤憤口悻悻然後啟之學者則存其
心也幼者聽而弗問者教學之法若有疑滯未曉必須
問師則幼者但聽長者解說不得輒問推長者諮問幼
者但聽之耳學不躡等也者學教也躡踰越也言教此
學者令其謙退不敢踰越等差若其幼者輒問不推長
者則與長者抗行意有驕矜今唯使聽而不問故云學
不躡等也此七者教之大倫也者倫理也言前七等之
事是教學大理也記曰者引舊記結上七事凡學謂學
為官學為士者官先事士先志者若學為官則先教以

居官之事若學為士則先喻教以學士之志故先七事
皆先教學居官及學士者其此之謂乎者記者所云其
此在上七事之謂乎注正義曰熊氏云以注禮先聖先
師之義解經始教謂始立學也若學士春始入學唯得
祭先師故文王世子云春官釋奠于其先師秋冬唯祭
先師而已不祭先聖故大胥春釋菜合舞鄭云釋菜禮
先師是春始入學不祭先聖也皇氏云以為始教謂春
時學士始入學也其義恐非宵音近小故讀從小案鄉
飲酒禮燕禮皆歌鹿鳴四牡皇皇者華又襄四年穆叔
如晉歌小雅三篇故知鹿鳴四牡皇皇者華也云為始
學者習之所以勸之以官者小雅三篇皆君臣燕樂及
相勞苦今為學者歌之欲使學者得為官與君臣相燕
樂各自勸勵故云所以勸之以官也此云始者謂學者
始來入學教云始入學習之也鼓謂擊鼓故大胥云用
樂者以鼓徵學士文王世子云大昕鼓徵所以警衆也
文王世子云謂天子視學之時擊鼓警衆也若是凡常

入學用樂及為祭祀用樂者以鼓徵學士是也爾雅釋木云栢山榎郭景純云今之山楸盧氏云扑作教刑是撲撻犯禮者禘大祭爾雅釋天文云天子諸侯既祭乃視學者謂於夏祭之時既為禘祭之後乃視學考校當祭之年故云未卜禘不視學若不當禘祭之年亦待時祭之後乃視學也此視學謂考試學者經業或君親往或使有司為之非天子大禮視學也若大禮視學在仲春仲秋及季春故文王世子云凡大合樂必遂養老注云大合樂謂春入學舍菜合舞秋頒學合聲於是時也天子則視學焉月令季春大合樂天子率三公九卿而視學焉與此別也視學既在夏祭之後則天子春秋視學亦應在春秋時祭之後此舉未卜禘不視學則餘可知也熊氏云此禘謂夏正郊天視學謂仲春視學若郊天則不視學若如熊氏義禮不王不禘鄭注何得云天子諸侯既祭乃視學既連諸侯言之則此禘非祭天熊說非也

大學之教也時教必有正業退息必有居注有居有常

居也學不學操縵不能安弦注操縵雜弄音義

操七刀反注同

縵未恒反
雜徂合反

不學博依不能安詩注博依廣譬喻也依或

為衣音義

依於豈反
注皆同

不學雜服不能安禮注雜服冕服

皮弁之屬雜或為雅不興其藝不能樂學注興之言喜

也歆也藝謂禮樂射御書數音義

興虛應反
歆許金反

故君子之

於學也藏焉脩焉息焉遊焉注藏謂懷抱之脩習也息

謂作勞休止謂之息遊謂閒暇無事謂之遊音義

閒音

夫然故安其學而親其師樂其友而信其道是以雖離
師輔而不反也允命曰敬孫務時敏厥脩乃來其此之
謂乎注敬孫敬道孫業也敏疾也厥其也學者務及時
而疾其所脩之業乃來音義

樂其音獄又音洛又
五孝反離力智反

疏正
義

曰此一節論教學之道必當優柔寬緩不假急速遊息
孫順其學乃成大學之教也時者言教學之道當以時
習之教必有正業者正業謂先王正典非諸子百家是
教必用正典教之也退息必有居者退息謂學者疲倦
而暫休息有居謂學者退息必有常居之處各與其友
同居得相諮決不可雜濫也學不學操縵不能安弦者
此以下並正業積漸之事也此教樂也樂主和故在前
然後須以積漸故操縵為前也操縵者雜弄也弦琴瑟

之屬學之須漸言人將學琴瑟若不先學調弦雜弄則手指不便手指不便則不能安正其弦先學雜弄然後音曲乃成也不學博依不能安詩者此教詩法者詩是樂歌故次樂也博廣也依謂依倚也謂依倚譬喻也若欲學詩先依倚廣博譬喻若不學廣博譬喻則不能安善其詩以詩譬喻故也不學雜服不能安禮者此教禮法也前詩後禮亦其次也雜服自衮而下至皮弁朝服玄端之屬禮謂禮之經也禮經正體在於服章以表貴賤今若欲學禮而不能明雜衣服則心不能安善於禮也不與其藝不能樂學者此總結上三事並先從小起義也興謂欣喜也故爾雅云欣喜興也藝謂操縵博依六藝之等若欲學詩書正典意不欣喜其雜藝則不能耽耽樂於所學之正道故君子之於學也藏焉脩焉息焉游焉者故謂因上起下之辭學雖積漸故君子之人為學之法恒使業不離身藏謂心常懷抱學業也脩謂脩習不廢也息謂作事倦怠之時而亦存學也游謂閒

暇無事游行之時亦在於學言君子於學無時暫替也夫然故安其學而親其師者此明親師愛友也然如此者若能藏脩息游無時暫替能如此者乃能安其所學業言安學業既深必知此深由本師故至於親愛師也樂其友者師既獲親而同志之友亦被於樂重然前三年樂羣五年親師親師在樂羣之後而此前親師後樂友者羣即友也為義然也前明始學故樂友在前此明學業已成故親師為首矣而信其道者其道已道也既親師樂友已道深明身自說信不復虛妄一云信師友之道前安學故乃親師樂友後乃信道也是以雖離師輔而不反也者輔即友也友主切磋是輔已之道深遠也離猶違也已道深明不復虛妄心自信之若假令違離師友獨在一處而講說不違反於師友昔日之意旨此則強立不反也允命曰者引尚書合結之敬孫務時敏者此句結積習也常能敬重其道孫順學業而務習其時疾速行之故云敬孫務時敏敏猶疾速也厥脩乃

來者此句結親師敬道也厥其也若敬孫以時疾行不
廢則其所脩之業乃來謂所學得成也所以尊師樂友
其此之謂乎者兌命
所云其此經之謂乎

今之教者呻其佔畢多其訊注呻吟也佔視也簡謂之

畢訊猶問也言今之師自不曉經之義但吟誦其所視

簡之文多其難問也呻或為慕訊或為訾音義

呻音中
一音新

吟也佔勑沾反視也訊字又作諱音信問也呻吟
魚金反又作諱同難乃且反訾才斯反又音紫

言及

于數注其發言出說不首其義動云有所法象而已音

義

數色
住反

進而不顧其安注惟其所誦多不惟其未曉使

人不由其誠注由用也使學者誦之而為之說不用其

誠教人不盡其材注材道也謂師有所隱也易曰兼三

材而兩之謂天地人之道其施之也悖其求之也佛注

教者言非則學者失問音義

施始移反下同悖布內反佛本又作拂扶弗反

夫

然故隱其學而疾其師苦其難而不知其益也注隱不

稱揚也不知其益若無益然雖終其業其去之必速注

速疾也學不心解則忘之易音義

去如字又起呂反解胡買反忘亡亮反易

以豉反下文注皆同音

教之不刑其此之由乎注刑猶成也疏

正義

曰此一節論教者違法學者所以不成是今師之失故云今之教者呻其佔畢者此明師惡也呻吟也佔視也畢簡也故釋器云簡謂之畢言今之師不曉經義但呻吟長詠以視篇簡而已多其訊者訊問難也既自不曉義理而外不肯默然故假作問難詐了多疑言若已有解之然也言及于數者數謂法象既不解義理若有所言而輒詐稱有法象也進而不顧其安者務欲前進誦習使多而不曾反顧其義理之安不謂義理危辟而不自知也使人不由其誠者人謂學者也由用也誠忠誠使學者誦文而已為之說義心皆不曉而孟浪是不用己之忠誠也教人不盡其材者材道也謂已既不曉其義而縱有所悟者又不能多恒恐人勝之故凡有所知又為所隱惜不盡其道也其施之也悖者謂教者有五者之短故施教於人違背其理也其求之也佛者佛戾也教者既背違其理其學者求之則又違戾受學者心既不解求問於師師又不曉違戾義意也夫然故隱

其學而疾其師者由師教既悖而受者又違故受學者弟子不荷師教之德乃隱沒其師之學而憎疾其師也苦其難而不知其益也者師說既不曉了故弟子受之苦其難既難不解故不自知其有益雖終其業其去之必速者學者勉力自強雖得終竟其業為心不曉解其忘去之必速疾矣教之不刑其此之由乎者刑猶成也言師教弟子不成由此在上諸事故云其此之由乎其此之由在上謂此經文也以例推之前文云其此之謂乎則是他書所云其此經之謂乎注正義曰其發言出說不首其義者首猶本也教者為弟子發言出說不本其義理謂不解此義之言也云動云有所法象而己者既不解義理舉動所云則言此義有所法象猶若一則稱配大一二則稱配二儀但本義不然浪為配當務其所誦多者謂師務欲得所誦使多釋經進也云不惟其未曉者惟思也不思其誦得未曉解者釋經不顧其安也使學者解經使人也而為之說解經不用其誠也言

師為學者而說不用其忠誠實之心以心不解誑惑學者鄭恐材是材藝故以材為道道謂道理言教人道理引易曰者易說卦文也但伏羲書上法天下法地中法人謂之三材說卦云立天之道曰陰與陽立地之道曰柔與剛立人之道曰仁與義三材各有其兩故云兼三材而兩之而有六爻也鄭引之證材為道也教者言非是其施之也悖學者失問是其求之也佛

大學之法禁於未發之謂豫注未發情慾未生謂年十

五時音義

禁居鵠反
欲音慾

當其可之謂時注可謂年二十成

人時不陵節而施之謂孫注不陵節謂不教長者才者

以小教幼者鈍者以大也施猶教也孫順也音義

鈍徒
困反

相觀而善之謂摩注不並問則教者思專也摩相切磋

也音義

摩反波反徐亡髮反思息吏反磋七多反

此四者教之所由興也注

興起也疏

正義曰此一節論教之得理則教興也禁於未發之謂豫者發謂情慾發也豫逆也十五

已前情慾未發則用意專一學業易入為教之道當防未發之前而教之故云禁於未發之謂豫當其可之謂時者可謂年二十之時言人年至二十德業已成言受教之端是時最可也不陵節而施之謂孫者陵猶越也節謂年才所堪施猶教也孫順也謂教人之法當隨其年才謂年長而聰明者則教以大事而多與之若年幼又頑鈍者當教以小事又與之少是不越其節分而教之所謂孫順也從其人而設教也相觀而善之謂摩者善猶解也受學之法若人人競問則師思不專故令弟子共推長者能者一人諮問餘小不能者但觀聽長

者之問答而各得知解此朋友琢磨之益故謂之摩也
此四者教之所由興也者結上四者興起也四事並是
教成之
所起也

發然後禁則扞格而不勝注教不能勝其情慾格讀如

凍洛之洛扞堅不可入之貌音義

扞胡半反注同格胡
客反又戶隔反扞格

不入也注同勝音升又升證反洛胡客反下
同此二字並從二或作水旁非一音戶各反

時過然後

學則勤苦而難成注時過則思放也音義

過姑
卧反

雜施而

不孫則壞亂而不脩注小者不達大者難識學者所惑

也音義

壞音恠徐
胡拜反

獨學而無友則孤陋而寡聞注不相

觀也燕朋逆其師注燕猶褻也褻其朋友音義

燕音驚
褻息列

反下

燕辟廢其學注褻師之譬喻音義

辟音譬注反
下罕辟同

此

六者教之所由廢也注廢弛疏

正義曰此一節論學不
依理教之廢棄發然後

禁則扞格而不勝者發謂情慾既生也扞謂拒扞也格
謂堅強若情欲既發而後乃禁教則扞格於教教之不
復入也是教弱而欲強為教不勝矣時過然後學則勤
苦而難成者時過謂學時已過則心情放蕩雖欲追悔
欲學精明已散徒勤苦四體終難成也雜施而不孫則
壞亂而不脩者雜施謂教雜亂無次越節則大才輕其
小業小才苦其大業並是壞亂之法不可復脩治也獨
學而無友則孤陋而寡聞者獨學謂獨自習學而無朋
友言有所疑無可諮問則學識孤偏鄙陋寡有所聞也
燕朋逆其師者以前四條皆反上教之所興此燕朋燕

辟特加二條不與上相對燕朋謂燕褻朋友不相遵敬則違逆師之教道也燕辟廢其學者辟譬喻也謂義理鉤深或直言難曉時須假設譬喻然後可解而墮學之徒好褻慢笑師之譬喻是廢學之道也此六者教之所由廢也者結上六事是廢學之由前興有四後廢有六者庾云不褻朋友及師之譬喻自是學者之常理若不為燕朋燕譬則亦不足以致興言若作此燕朋燕譬則學廢替矣注正義曰言格是堅強譬如地之凍則堅強難入故云如凍洛之洛但今人謂地堅為洛也

君子既知教之所由興又知教之所由廢然後可以為人師也故君子之教喻也道而弗牽強而弗抑開而弗達注道示之以道塗也抑猶推也開為發頭角音義

道音

導注道示及下同強沈其良反徐其
兩反下同為于偽反下為學者同

道而弗牽則和強

而弗抑則易開而弗達則思和易以思可謂善喻矣注

思而得之則深疏

正義曰此一節明君子教人方便善
誘之事故君子之教喻也道而弗牽

者喻猶曉也道猶示也牽謂牽偏師教既識學之廢興
故教喻有節使人曉解之法但廣開道示語學理而已
若人苟不曉知亦不偏急牽令速曉也強而弗抑者抑
推也謂師微勸學者使神識堅強師當隨才而與之使
學者不甚推抑其義而教之開而弗達者開謂開發事
端但為學者開發大義頭角而已亦不事事使之通達
也道而弗牽則和者此下三句釋上三事之所由也若
人苟不曉而牽偏之則彼心必生忿恚師與弟子不復
和親今若但示正道寬柔教之則彼心和而意乃覺悟
也強而弗抑則易者賀氏以為師但勸強其神識而不

抑之令曉則受者和易和易亦易成也開而弗達則思者但開發義理而不為通達使學者用意思念思得必深故云則思也和易以思可謂善喻矣者結上三事之功若師能教弟子如此三事則可謂善教喻矣

學者有四失教者必知之人之學也或失則多或失則寡或失則易或失則止此四者心之莫同也注失於多

謂才少者失於寡謂才多者失於易謂好問不識者失

於止謂好思不問者音義

好呼報反下
好思好述同

知其心然後能

救其失也注救其失者多與易則抑之寡與止則進之

教也者長善而救其失者也疏

正義曰此一節明教者識學者之心而救其失

也故云學者有四失教者必先知之人之學也或失則多者一失也假令有人才識淺小而所學貪多則終無所成是失於多也或失則寡者二失也或有人才識深大而所學務少徒有器調而終成狹局是失於寡少也或失則易者三失也至道深遠非凡淺所識而人不知思求唯好汎濫外問是失在輕易於妙道故云或失則易此是學而不思則罔或失則止者四失也人心未曉知而不肯諮問惟但止住而自思之終不能達其實理此失在於自止也此是思而不學則殆此四者心之莫同也者結前四失是由人心之異故也知其心然後能救其失也者結救失四事師既前識其四心之不同故後乃能隨失而救之也教也者長善而救其失者也者使學者和易以思是長善使學者無此四者之失是救失惟善教者能為之

善歌者使人繼其聲善教者使人繼其志注言為之善

者則後人樂放飭音義

長丁丈反下文及注同教如字一本作學胡孝反放方往反飭

胡教反

其言也約而達微而臧罕譬而喻可謂繼志矣注

師說之明則弟子好述之其言少而解臧善也音義

子臧

郎反解胡買

疏

正義曰此一節論教者若善則能使學反下文注同者繼其志於其師也言學者繼師之志

記者以善歌而比喻之故云善歌者使人繼其聲善歌謂音聲和美感動於人心今使聽者繼續其聲也善教者使人繼其志者設譬既畢故述其事而言善教者必能使後人繼其志如善歌之人能以樂繼其聲如今人傳繼周孔是也其言也約而達者此釋所以可繼之事言善為教者出言寡約而義理顯達易解之微而臧者微謂幽微臧善也謂義理微妙而說之精善也罕譬而喻者罕少也喻曉也其譬罕少而聽者皆曉可謂繼志

矣者能為教如上則可使後人繼其志意
不繼聲而繼志者本為志設故不繼聲也

君子知至學之難易而知其美惡然後能博喻能博喻
然後能為師能為師然後能為長能為長然後能為君

注美惡說之是非也長達官之長音義

惡烏路反
又如字

故師

也者所以學為君也注弟子學於師學為君是故擇師
不可不慎也注師善則善記曰三王四代惟其師此之

謂乎注四代虞夏商周疏

正義曰此一節明為師法君
子謂師也教人至極之美可

以為君長之事君子知至學之難易者三王四代所以
敬師隨器與之是至學之易隨失而救之是至學之難

而知其美惡者罕譬而喻言約而達是美也反此則為惡也然後能博喻者博喻廣曉也若知四事為主觸類長之後乃得為廣有曉解也能博喻然後能為師者前能廣解後乃可為人作師也能為師然後能為長者為師是學優學優宜仕故能為一官之長也能為長者為能為君者既能治一官之長有功能為一國之君也故師也者所以學為君也宵雅肄三官其始也師既有君德則弟子就師可學為君之德故前云君子如欲化民成俗其必由學乎即是學能為君也是故擇師不可不慎也者師善則能教弟子弟子則能為君故弟子必宜慎擇其師不可取惡師也記曰三王四代唯其師者引舊記結此擇師之重也三王謂夏殷周四代則加虞也言三王四代雖皆聖人而無不擇師為慎故云唯其師更云舉四代以兼包三王所以重言者以成其辭耳言人之從師自古而然師善則己善其此之謂乎者記者證前云擇師不可不慎即此唯其師之謂也

凡學之道嚴師為難注嚴尊敬也師嚴然後道尊道尊
然後民知敬學是故君之所不臣於其臣者二當其為
尸則弗臣也當其為師則弗臣也注尸主也為祭主也
大學之禮雖詔於天子無北面所以尊師也注尊師重
道焉不使處臣位也武王踐阼召師尚父而問焉曰昔
黃帝顓頊之道存乎意亦忽不可得見與師尚父曰在
丹書王欲聞之則齊矣王齊三日端冕師尚父亦端冕
奉書而入負屏而立王下堂南面而立師尚父曰先王

之道不北面王行西折而南東面而立師尚父西面道

書之言音義

顓音專項許玉反與音餘齊側疏正義曰此一節

論師德既善雖天子以下必須尊師是故君之所不臣
於其臣者二者二謂當其為尸及師則不臣也此文義
在於師并言尸者欲見尊師與尸同當其為尸則弗臣
也者若不當其時則臣之案鈞命決云暫所不臣者五
謂師也三老也五更也祭尸也大將軍也此五者天子
諸侯同之此唯云尸與師者此經本意據尊師為重與
尸相似故特言之所以唯舉此二者餘不言也又案鈞
命決云天子常所不臣者三唯二王之後妻之父母夷
狄之君不臣二王之後者為觀其法度故尊其子孫也
不臣妻之父母者親與其妻共事先祖欲其歡心不臣
夷狄之君者此政教所不加諫不臣也諸侯無此禮大
學之禮雖詔於天子無北面所以尊師也者此證尊師

之義也此人既重故更言大學也詔告也雖天子至尊當告授之時天子不使師北面所以尊師故也注正義曰武王踐阼以下皆大戴禮武王踐阼篇也云黃帝顓頊之道存乎意亦忽不可得見與者武王言黃帝顓頊之道恒在於意言意恒念之但其道超忽已遠亦恍惚不可得見與與語辭今檢大戴禮唯云帝顓頊之道無黃字或鄭見古本不與今同或後人足黃字耳云丹書者師說云赤雀所銜丹書也雲端冕者謂袞冕也其衣正幅與玄端同故雲端冕故皇氏云武王端冕謂袞冕也樂記魏文侯端冕謂玄冕也云師尚父亦端冕者案大戴禮無此文鄭所加也云西折而南南字亦鄭所加云師尚禮唯云折而東面此西折而南南字亦鄭所加云師尚父西面道書之言者皇氏云王在賓位師尚父主位故西面王庭之位若尋常師徒之教則師東面弟子西面與此異也其丹書之言案大戴禮云其書之言曰敬勝怠者強怠勝敬者亡瑞書云敬勝怠者吉怠勝敬者滅

義勝欲者從欲勝義者凶與瑞書同矣凡事不強則枉不敬則不正枉者滅廢敬者萬世以仁得之以仁守之其量百世以仁得之以不仁守之其量十世以不仁得之以不仁守之必傾其世王開書之言惕然若懼退而為戒書於席之四端為銘及几鑑孟盤楹杖帶屨劔矛為銘銘皆各有語在大戴禮也

善學者師逸而功倍又從而庸之不善學者師勤而功半又從而怨之注從隨也庸功也功之受其道有功於

已善問者如攻堅木先其易者後其節目及其久也相

說以解不善問者反此注言先易後難以漸入音義

說音

悅

善待問者如撞鐘叩之以小者則小鳴叩之以大者

則大鳴待其從容然後盡其聲不善答問者反此注從

讀如富父春戈之春春容謂重撞擊也始者一聲而已

學者既開其端意進而復問乃極說之如撞鐘之成聲

矣從或為松音義

撞丈江反叩音口從依注讀為春式容反父音甫重直用反復扶又反

此皆進學之道也注此皆善問善答也疏

正義曰此一節明善學及

善問并善答不善答之事善學者師逸而功倍者受者聰明易入是為學之善故師體逸豫而弟子所解又倍於他人也又從而庸之者庸亦功也所得既倍於他人故恒言我師特加功於我者是從而功之也不善學者師勤而功半者此明劣者也已既闇鈍故師體勤苦而功裁半於他人也又從而怨之者已既闇鈍而不自責

己不明乃反怨於師獨不盡意於我也善問者如攻堅木先其易者後其節目者此明能問者問謂論難也攻治也言善問之人如匠善攻治堅木先斫治其濡易之處然後斫其節目其所問師之時亦先問其易後問其難也及其久也相說以解者言問者順理答者分明故及其經久師徒共相愛說以解義理不善問者反此者若闇劣不解問之人則與能問者意反也謂先問其難心且不解則答問之人不相喜悅義又不通也故云反此矣善待問者如撞鐘叩之以小者則小鳴叩之以大者則大鳴者嚮明問此明答也以爲設喻譬善能答問者則大鐘之應撞撞小則小鳴應之撞大則大鳴應之難者如鐘之應撞撞小則小鳴應之撞大則大鳴應之能答問者亦隨彼所問事之大小而答之待其從容然後盡其聲者又以鐘爲喻也不善答問者反此者謂不善答他所問則反此上來之事或問大而答小或問小而答大或暫問而說盡此皆無益於所問故云不善答問者反此此皆進學之道也者言上善問善答此皆進

益學者之道也。注正義曰：春謂擊也，以為聲之形容。言鐘之為體，必待其擊，每以春而為一容，然後盡其聲。言善答者，亦待其一問，然後一答，乃後盡說義理也。案左傳文十一年冬，叔孫得臣敗狄於鹹，獲長狄僞，如富父終甥，以戈搏長狄喉而殺之，是也。

記問之學不足以為人師。注：記問謂豫誦雜難雜說，至

講時為學者論之。此或時師不心解，或學者所未能問。

音義

難乃旦反

必也其聽語乎。注：必待其人，乃說之力不能。

問然後語之，而不知雖舍之可也。注：舍之須後音。

義

語魚據反，下同。舍音捨，又如字，下注同。

疏

正義曰：此一節論教者不可為記問之學，又教人之時不

善教學者謂心未解其義而但逆記他人雜問而謂之解至臨時為人解說則先述其所記而示人以其不解無益學者故云不足以為人師必也其聽語乎者聽語謂聽其問者之語既不可記問遂說教人之時必待學者之問聽受其所問之語然後依問為說之也力不能問然後語之者若受業者才力苟不能見問待憤憤悱悱之間則師然後乃示語之矣語之而不知雖舍之可也者弟子既不能問因而語之語之不能知且舍住待後別更語之可也

良冶之子必學為裘注仍見其家錮補穿鑿之器也補

器者其金柔乃合有似於為裘音義

冶音也錮音固穿字又作穿音川鑿

在洛良弓之子必學為箕注仍見其家撓角幹也撓角

幹者其材宜調謂乃三體相勝有似於為楊柳之箕音

義

箕音基注同撓而小反下同曲屈也一音乃孝反幹舌且反勝音升任也一本作稱尺證反

始駕

馬者反之車在馬前注以言仍見則貫即事易也音義

始駕者一本作始駕馬者貫古患反習也

君子察於此三者可以有志於學

矣注仍讀先王之道則為來事不惑疏

正義曰此一節論學者數見數

習其學則善故三譬之此為第一譬良善也治謂鑄治也裘謂衣裘也言積習善治之家其子弟見其父兄世業陶鑄金鐵使之柔合以補治破器皆令完好故此子弟仍能學為袍裘補續獸皮皮片相合以令完全也良弓之子必學為箕者此第二譬亦世業者箕和箕也言善為弓之家使幹角撓屈調和成其弓故其子弟亦睹

其父兄世業仍學取柳和軟撓之成箕也始駕馬者反之車在馬前者此第三譬明新習者也始駕者謂馬子始學駕車之時反之者駕馬之法大馬本駕在車前今將馬子繫隨車後而行故云反之車在馬前所以然者此駒既未曾駕車若忽駕之必當驚奔今以大馬駕車於前而繫駒於後使此駒日日見車之行其駒慣習而後駕之不復驚也言學者亦須先教小事操縵之屬然後乃示其業則道乃易成也君子察於此三者可以有志於學矣者結上三事三事皆須積習非一日所成君子察此三事之由則可有志於學矣

古之學者比物醜類注以事相况而為之醜猶比也醜或為之計鼓無當於五聲五聲弗得不和水無當於五色五色弗得不章學無當於五官五官弗得不治師無

當於五服五服弗得不親注當猶主也五服斬衰至總

麻之親音義

當丁浪反主也下及注皆同治有皮反

疏

正義曰此一節論弟子當親師之事

各依文解之比物醜類者既明學者仍見舊事又須以時事相比比方也物事也言古之學者比方其事以醜類謂以同類之事相比比方則事學乃易成既云古學如斯則今學豈不然此經論師道之要以餘事譬之此以下四事皆上比物醜類也鼓革也當主也五聲宮商角徵羽言鼓之為聲不宮不商故言無當於五聲而宮商等之五聲不得鼓則無諧和之節故云弗得不和也所以五聲必鼓者為俱是聲類也若奏五聲必求鼓以和之而已即是比類也水無當於五色五色弗得不章者水謂清水也五色青黃赤白黑章明也言清水無色不在五色之限無主青黃而五色畫績者不得水則不分明故云弗得不章也五色是其水之出也故五色須水亦

其類也學無當於五官五官弗得不治者本學先王之道也五官金木水火土之官也夫學為官之理本求博聞強識非習於一官而五官不得學則不能治故云弗得不治也故化民成俗必由學乎能為師然後能為君長故官是學之類也師無當於五服五服弗得不親者師教之師也五服斬衰也齊衰也大功也小功也總麻也師於弟子不當五服之一也而弟子之家若無師教誨則五服之情不相和親也故云弗得不親是師情有在三年之義故亦與親為類

君子曰大德不官注謂君也大道不器注謂聖人之道

不如器施於一物大信不約注謂若胥命于蒲無盟約

音義

約徐於妙反沈於略反注同

大時不齊注或時以生或時以死

音義

齊如字

察於此四者可以有志於本矣注本立而道

生言以學為本則其德於民無不化於俗無不成三王

之祭川也皆先河而後海或源也或委也此之謂務本

注源泉所來也委流所聚也始出一勺卒成不測音義

源本又作原委於偽

疏

正義曰此一節論學為衆事之

反注同勺時酌反

本君子曰者記者引君子之言

故云君子曰也大德不官者大德謂聖人之德也官謂

分職在位者聖人在上垂拱無為不治一官故云大德

不官也不官而為諸官之本大道不器者大道亦謂聖

人之道也器為物堪用者夫器各施其用而聖人之道

弘大無所不施故云不器不器而為諸器之本也論語

云君子不器又云孔子博學而無所成名是也大信不

約者大信謂聖人之信也約謂期要也大信不言而信孔子曰予欲無言天何言哉四時行焉不言而信是大信也大信本不為細言約誓故云不約也不約而為諸約之本也大時不齊者大時謂天時也齊謂一時同也天生殺不共在一時猶春夏花卉自生薺麥自死秋冬草木自死而薺麥自生故云不齊也不齊為諸齊之本也察於此四者可以有志於本矣者結之也若能察此在上四者之事則人當志學為本也庾云四者謂不官為羣官之本不器為羣器之本不約為羣約之本不齊為羣齊之本言四者莫不有本人亦以學為本也三王之祭川也皆先河而後海或源也或委也者言三王祭百川之時皆先祭河而後祭海也或先祭其源或後祭其委河為海本源為委本皆曰川也故總云三王之祭川源委謂河海之外諸大川也此之謂務本者先祭本是務重其本也本小而後至大是小為大本先學然後至聖是學為聖本也注正義曰案桓公三年夏齊侯衛

侯胥命于蒲左氏云不盟也杜云不敵血也案彼直以
言語相告命非大信之事引之者取其不盟之一邊而
與此不約相當故引證皇氏以為河海之外源之與委
也今依用焉或解云源則河也委則海也申明先河而
後海義亦通矣云始出一勺卒成不測者中庸篇云水
一勺之多及其不測蛟龍生焉是其始一勺也後至不
測也猶言學初為
積漸後成聖賢也

禮記注疏卷三十六

禮記注疏卷三十六考證

學記發慮憲疏言有人不學而起發謀慮終不動衆舉

動必能擬度於法式故云發慮憲○

臣召南

按文義

祇應云言有人不學而起發謀慮必能擬度於法式
耳終不動衆舉動六字竝衍文也因各本竝同姑仍
之

大學之教也時

句

教必有正業

句

退息必有居

句

學讀

不學操縵

句

不能安絃

句

○此注疏讀也陳澧讀大

學之教也

句

時教必有正業

句

退息必有居學

句

大學之法禁於未發之謂豫注謂年十五時○

臣召南

按此注太拘古人設教事事皆豫為之防事事皆適當其可必畫定年十五為禁於未發年二十為當其可非也

燕辟廢其學注褻師之譬喻○

臣召南

按燕辟之辟似

不當作譬喻解陳澧謂是邪辟之辟音僻是也

及其久也相說以解音義說音悅○朱子曰說字人以

為悅恐只是說字先其易處難處且放下少間見多了自然相證而解解物為解自解釋為解恐是相證而曉解也

學無當於五官疏五官金木水火土之官也○陳澔曰五官即洪範之五事也○臣召南按以經義推之陳說為是

又疏是師情有在三年之義○按年字衍當云有在三之義

禮記注疏卷三十六考證